



皇明文衡卷之八十四

墓誌銘

翰林應奉唐君墓誌銘

蘇伯

翰林應奉唐君處敬年四十有四以病卒于濠之睢山其  
孤之淳奉骨歸越祔于山陰縣承務鄉赤土山  
為狀授使者將圖其不朽於伯衡昔歐陽子深慨  
古者難得其人又謂學者文章見用于世鮮矣况得施於朝  
廷而又遭人主致治之時乎君之文可謂無媿於古矣亦既  
遭逢盛際而用之朝廷矣然未究其用以一管之故至廢為  
耕民而困頓以死其文章迄不得施諸典冊遂使一代之詔  
令不能追還三代之盛是雖日有命抑豈獨君之不幸歟故  
於其死也凡知之者無不為之悲而至今論者猶為進退人



材者惜焉伯衡知君特深安可使君賫志地下而無一言以  
白之君諱肅處敬其字也自號丹崖居士世爲杭之新城人  
君之父始遷居越故今爲越之山陰人曾祖文源祖崇貴父  
應麟母汪氏君生有異質敏而克勤幼從先生王萊山授毛  
氏詩比長無通諸經旁及子史陰陽鑿卜書數之學無不研  
究資爲古文簡潔而雅奧律詩步驟盛唐樂府古詩上薄漢  
魏場屋之文持其餘事尤工篆楷深得筆意室正正正君充  
賦江浙中其選以道梗不得上春官省臣便宜杭州路黃  
崗書院山長轉嘉興路儒學正 皇朝取浙例起南京  
君以父憂東還洪武三年春用近臣薦召至京師纂禮樂  
書其夏擢應奉翰林文字承事郎其秋科舉法行預南京  
貢士有織文之賜其冬扈從東宮拜英陵有龍衣之賜

年夏以疾失朝叅例免官歸鄉後例謫佃于濠則癸丑之  
而君以是秋至瞿相山卒於甲寅十二月六日而歸附以乙  
卯七月二十四日娶汪氏子男一之淳也強學能文凡世其  
家女一人早卒孫女二人尚幼所爲文十卷藏于家庶其不  
朽者在是伯衡無以加之矣銘曰  
世所須而或乏駑駘以之駕馭材適用而不忌騏驎不免棄  
置故君之文足以華國而其身竟死於昨隸非人之能不能  
亦世之貴不貴也悲夫

故元中奉大夫江浙等處行中書省叅知政事周公

墓誌銘

至正乙未閔括之寇蔓延平陽且兩歲矣民之黠者跳踉以  
相附和弱者不能自立於是四境之內胥而爲盜者十六七



瀟東道宣慰使恩寧晉來鎮溫求可屬任者僉薦公可宣慰  
問所以可者僉曰公以門功補海口場塩司令龍江書院適  
其治所以廢無能葺公初至謁先聖立勸竈戶新之柱悉易  
以石不半歲告成亭民頌德兄弟積爲民患以賂結權勢前  
後場官少忤之輒遭反噬公竟發其奸罪論如法海口之俗  
歲正月千百爲曹聚東郊擲石謂之讓祈傷及體不恤有司  
痛繩以法莫能禁其來久矣公懸榜約束之無一不從者其  
俗遂革甫二年得羨塩四千引以此知其可也  
周  
司令邪我習聞其人便宜命公攝行平陽州事而浙省左丞  
鐵里帖木兒至自台先是公以副元帥吳世顯政乖於方任  
用非人變在旦暮毒且及民詣左丞言狀請豫爲計不旋踵  
而陳安國弒世顯其所任治兵于平陽瑞安者亦戡予賊悉

如公言左丞由是器公倚公討賊安民給以糧五百石勉令  
就職人皆以兵食不足沮公無行公曰父母之邦也設命立  
行隨以所給糧賑饑民曰事無急此不然皆盜也時平陽惟  
江南鄉阻江爲塹鄉民自相團結賊不敢入境公以五月至  
江南屯白沙禮致大家使輸軍儲設法募丁壯爲兵而訓練  
焉民旣用命軍實具而兵日衆或請出師公不許人謂公怯  
公曰以新集之兵擊數年之寇苟不持重萬一失利損威重  
莫甚焉後將何以成功在兵書致人不致於人寇至擊之未  
晚八月劇寇李師金翁瑞突入黃浦江公勒兵渡江迎敵賊  
大潰斬其馘百餘而生擒數十人兵士請乘利深入公不應  
俄大閩公堅坐不動徐自定取其首謀者斬以殉而申明紀  
律遂移屯逕川寇來薄我三合而三捷復遣輕兵衝其後賊



駭亂獲其酋金安三吳邦大邦大素健鬪衆之所恃至是獲  
之賊奪氣追北數十里殺獲甚衆獻俘于左丞仍以計誘致  
李師金翁瑞及他酋數十皆戮之而散其火伍歸農獨西溪  
寇恃括寇不下且請決戰糾括寇數萬直擣逕川公曰賊輕  
我矣今日必殄之部署其衆而下令曰勿擅動聞鼓聲則進  
望其白旗下多精銳命士引弓齊發仆其執旗者鼓而進賊  
不能支自相蹂躪聲言勿殺我當投降許之張中卿官即趨  
而前俯伏公撫而遣之還諭衆曰周知州知爾從賊出於迫  
脅不爾誅降無不宥不者擊爾盡乃已仲卿又盛稱其誠信  
人人喜曰有生意矣棄仗來降上功行省陞制東道副丞  
帥總制平陽瑞安丙申正月別寇葛兆出掠走之獲酋金龍  
十明年又出襲我覆之獲酋吳天雷等遂命弟誠德分兵擊

下瑞安諸砦而歸其民黃宗雲等之辟居平陽者進兵會括  
分院兵夾攻寇之抄平陽者破其窰穴惟吳悌五遁之福寧  
王賢五所括分院以誠意德功聞于康里丞相授忠顯校尉  
同知平陽州事兼行軍鎮撫尋引兵趨象原以逼王賢五方  
置營而吳悌五領衆奄至誠德奮當其衝突吳悌五中矢其  
下負以走因其亂雜之僵尸數里未幾購得吳悌五併三恢  
酋鄭子敬送于閩省誅之經略使在閩遣從事官工部員外  
郎曾堅分御賜酒勞之承制擢公行樞密院判官自是平陽  
之人安於耕鑿以供租稅矣公曰外攘之功粗立其益嚴內  
治之脩乎壁於州南五里而鎮焉革蠹弊平訟獄布寬政行  
義役與民休息浚河渠若干里深丈有二尺廣倍之築海隄  
若干丈廣二丈崇半之又興土木之功官署孔子廟學東嶽



行宮城隍祠廣福宮悉復其舊內而布教條外而脩職貢使  
者咸出其途迎來送往禮無或遺雖廩無餘粟庾子夏聞京  
師旱遣弟紹德漕運糧二萬五千石上供天子嘉之賜龍衣  
一襲及上尊酒真授行樞密院判官階奉議大夫而官誠德  
以昭信校尉温州路總管判官紹德敦武校尉同知平陽州  
事麾下士錫命有差當是時方國珣姪明善以樞判制溫公  
不爲之下而明善恃公屢軋以舟師公屢却之然自念彼不  
有朝廷况有鄰州乎且彼據三郡而吾以區區一州與之抗  
終非萬全之計進父老語以故欲委地去聽民自爲去就父  
老曰方虎狼也公於我等數年安全之一旦以遺虎狼忍乎  
若終惠我等幸與之修睦公用父老言遣弟明德往謁拘  
辛丑夏遣都事張君錫漕貢如初天子益嘉之進朝

列大夫同僉行樞密院事降分院印明告舟人在直沽者欲  
奪印不克壬寅春遂以三千餘舟列營平陽瑞安公四面受  
敵激諸軍以忠義人皆感奮屢挫其鋒又遣沒人斷其砥纜  
乃解去追獲舟二百會集賢院都事興童持詔來勞公乃遣  
都事蕭天瑞從詔使入貢謝恩且進地圖表言國珣侵軼乞  
注代天子覽表爲下詔讓國珣仍有龍衣御酒之賜起拜中  
奉大夫江浙等處行中書省參知政事刻分省印使佩之以  
承德卽行樞密判官官誠德國珣被詔大怒調台慶溫之兵  
來攻相持閱六月陰啗公帳下林淳以厚利使爲應三郡兵  
攻其外淳應於內九月平陽陷執公及誠德紹德以去誠德  
慢罵明善遂遇害剗其皮焉至死罵不絕口紹德則繼以石  
而沉諸海送公國珣其禮公好語公曰省其責臣皆聽



吾命公獨敢我抗豪傑士哉自今與公釋憾其仍爲參政我  
所公曰我與爾有不共國之仇而與爾共事乎然國珍終不  
敢害公越三年王師取台應公與國珍例遣赴南京後公以  
誠意伯劉基言得放還田里洪武辛亥大臣行邊者復遣赴南  
京其秋八月壬寅卒于南京享年六十有六後十月塋顧克敏  
歸其柩平陽以甲寅十二月甲辰葬於睦嶺之原公諱嗣德  
字宗道姓周氏平陽人宋江陰軍節度推官元贈中順大夫  
准東道宣慰副使上騎都尉追封永嘉郡伯汝臨之曾孫元  
累贈太中大夫河南路總管輕車都尉追封永嘉郡侯雷轟  
之孫元太中大夫同知浙東道宣慰使司副都元帥致仕贈  
同僉太常禮儀院事輕車都尉追封汝南郡侯謚康惠應奎  
之子也曾祖妣張氏追封永嘉郡君祖妣翁氏妣游氏並封

永嘉郡夫人妻顧氏封永嘉郡夫人次陳氏其壻永嘉  
奉事狀求伯衡銘其墓昔我先君以江浙省左右司都事佐  
戎干枯公無月不通問伯衡不敢以不知公爲辭乃爲叙而  
銘之銘曰

元運將終並海之邦自租自稅大憖民方海邦之民亦孔之  
瘁頭箕會斂摧筋監髓眷茲平陽于方咫尺虐燄炎炎何以  
不及文武周公厥猶克壯天矜于民俾作保障公未至止豈  
無州牧鄰寇橫行曾莫敢逐凡厥士女東甌西匿寢食不遑  
矧暇耕織公旣至止奮其戎兵招降討逆內謐外寧凡厥士  
女有室有家爾藝黍稷我種桑麻相時倉廩枵然空虛謂公  
蹶蹶公則舒舒征從其薄刑用其輕追還舊觀百廢具興先  
聖之居明神之廬出治之所棟宇渠渠憂彼水旱爲民之病



以畚以鍤河渠攸濟虞彼潮汐爲民之患迺疆迺理作之畔  
岸維民休戚係公存亡公構閔凶孰不痛傷昆山蒼蒼不崩  
不墜公功巍巍克類克對我采民謠勒碑墓道無曰不顯終  
古有耀

故元温州路同知平陽州事孔公墓誌銘

至正末方國珍據台慶溫用名士以收人心凡士居其地者  
不爲所用則爲所禍而其於公也不得而用之亦不得而禍  
之四方之士聞而莫不高其風 國初胡仲淵以 王府叅  
軍鎮括將進公于朝而先之以書幣公返其書幣謂使者曰  
使孔暘一出足爲天下重雖強顏從叅軍後亦不辭不然何  
益况吾父年垂九十不可頃刻去左右叅軍奈何欲使之胥  
爲不忠孝人邪仲淵愧其言而止洪武元年按察僉事趙壽

將使指求賢浙東得公於溫以應 詔公終辭不起士益以  
是高之公神明之胄起家爲名進士仕州縣爲良吏師學爲  
儒宗當世尊而仰之不在彼而在此也公自幼篤志於學警  
悟強記絕人而諸經史百氏之書罔不該貫取元統乙亥鄉  
薦溫之士以春秋貢者自公始方上春官而科舉廢南歸以  
衍聖公思晦舉署永嘉書院山長未上而科詔復下至正元  
年再薦于鄉登二年進士第擢衢州路錄事階將仕郎九年  
轉從仕郎處州路慶元縣尹代歸以二親年高絕口不言仕  
進十九年中書參政普顏不花公內臺治書李公國鳳經畧  
江南得便宜除拜承制授公温州路同知平陽州事使得使  
養公奉檄欣然而起其爲錄事於衢也下車適大旱以郡守  
命禱徐偃王祠下未復命而雨如注莫不驚焉異民汪明之兄



弟爭家財吏展轉求賂數歲不決公問汪曰兄弟親孰與吏  
汪對曰兄弟同產吏途人爾公曰弊同產以資途人汝何不  
思之甚邪其兄弟之感悟叩頭曰不敢復煩官府矣廉訪僉  
事實寶公行部莅衢委以難決之獄凡所平反無不服其明  
允遂以最聞朝廷遣使分道宣撫過衢得公治狀甚禮遇之  
其爲令於慶元也會分憲余公闕以括賦役不均舉行覈實  
各縣皆擇人往董之惟慶元就以屬公乃令民以田畝多寡  
自占卽不實罪及隣保立法周而用法嚴民自占無敢不以  
實賦以田制役以賦定富者幸免貧下重困之患遂除余公  
自爲書遣吏勞以公堂酒學宮在縣西大溪之北公始視事  
進謁阻水不得前聞舊有詠歸橋直神力院左廢且數十年  
卽經營興復之六月而成其脩七百尺其廣三十尺覆以屋

爲間四十有九來往者便之壬辰歲侵縣西鄙小民六十餘  
人稱貸於富民弗從強姦劑而發其廩以去富民忿之訴公  
以爲強劫公惻然曰彼艱食冀活性命乃爾情亦可矜矣今  
以其活性命者戕其性命吾不忍爲也若何獨忍乎富民愧  
謝而退聞寇犯縣境公能以義兵擊退之民賴以安急於仕  
者率縛平民徵賞典公曰軍功與民命孰重輒解其縛而縱  
之平陽鄉邑也時行樞密院判官周嗣德行州事公不矯以  
爲異不比以爲同事無大小一裁以法雖族婣不少假借之  
君子稱其識大體爲平陽三歲丁母恭人憂解官明年州人  
以版圖上干職方公與陳子上者慨然有浮海之志顧父判  
府公在堂子上入閩公羈孤無儔却掃一室名曰潔庵情有  
所觸俛仰書空而已後一二年而判府公捐館公年六十三而



執喪哀毀又十六年公以疾不起洪武壬戌七月二十七日  
也得年七十有九臨終誦諸子曰吾今而後有以下見曾大  
父于地矣蓋公之曾大父曰景行宋大學內舍生度宗幸學  
循故事官先聖子孫賜曰進士出身授慶元府學教授陞從  
政郎主管禮兵部架閣文字宋亡不復仕是以云架閣之子  
曰士璘元末嘉縣學教諭後以子貴贈從仕郎曲阜縣尹曲阜  
阜之子曰史用翰林鄭公陶孫薦麻萊新州學正龍溪書院  
山長江州路儒學教授湖口縣主簿應完會稽兩縣尹以承  
務郎松江府判官致仕公其嫡也諱暘字子升生於大德甲  
辰正月十九日毋恭人許氏湖廣儒學提舉澹齋先生善勝  
之女娶王氏封恭人以夫德丙午三月十一日生以洪武己  
卯十二月三日卒葬縣西之肇輿子男五人諠說詳訓王出

也誌側室陳出也詳訓早亡女三人皆已行而卒  
宏寔遂瑩女七人長適林與方次適項愉餘未行平生所為  
詩文總十二卷曰潔菴集藏于家諠等卜以十六年癸亥十  
一月十日合葬于肇輿屬其門人蒙陰縣主簿林與直為狀  
來請銘伯衡晚陋不足以知公竊窺公當運去物改之後不  
降其志而得明哲保身之道善於用晦而不失出處去就之  
義可謂無愧古之仁人矣論次而顯銘之百世之下寧不尚  
有觀感而興起者乎銘曰

恂恂孔公宣聖之孫道深皇王學貫天人宏中肆外而鳴以  
文迺旅俊造迺充國賓迺縮章綬有社有民敏於為政一本  
於仁世運俄否歸伏海濱

大明受命萬國維新求賢有 詔使者在門引疾堅卧耳若



不聞所執者節匪潔其身優游令終允矣全臣肇奧之原歸  
然丘墳勒銘于石千載弗緩

魏夫人宋氏墓誌銘

高啓

蘇州守江夏魏公以其先大夫人行述授渤海高啓曰吾妣  
棄吾二十有二年矣遭時多故權厝先塋之左今始得地於  
吾里黃岡湖東某山之原將以某年某月某日而葬子爲我  
志而銘之公昔掌 國史啓嘗爲其屬今文居公之野辱以  
先銘是屬不敢當然亦不敢辭也按夫人姓宋氏武昌蒲圻  
人宋彈壓官諱時懋之孫女諱某號俊齋之女同邑隱君子  
碧崖魏先生諱雪瑞之妻也夫人生而穎異七歲能誦曲禮  
內則曹大家女訓十歲共女事無闕旣長歸先生先生故名  
家世儒履行高潔夫人稱賢配焉居母姑之喪皆過哀

蔬食終三年待內外親族無異意先生嘗遊齊安遇疾卒於  
邸有子三人法孫已孫虎孫初聞訃將遣法孫迎喪或曰江  
多蛟龍性惡屍以柩渡虞有變宜焚骨歸也夫人哭喻法孫  
曰是將陷吾母子於太戾也爾忍而父爲灰燼乎亟往母有  
憚而父善人神必相之矣迄渡風浪帖然喪旣還或文曰柩  
入家弗利夫人曰此固吾失宅也舍之使何適哉苟有弗利  
當萃未亡人之身未亡人得從夫子地下足矣卽惟正堂奉  
安旦夕哭臨逮葬毀瘁幾不能爲生嘗謂諸子曰不幸門戶  
凋落汝父汝伯相繼歿若曹尚誰賴哉宜力學善自立大汝  
家以慰老人之望毋從里中兒嬉也子皆承教惟謹先生庶  
毋羅氏性素嚴號難事夫人始終奉承有順無忤疾則侍粥  
藥歿則營喪葬皆必誠焉已孫旣娶久未有胤夫人曰吾老



矣獨不得一抱孫也禱于先夢紫衣人種粟舍垣下告曰此  
萌也爲他日興植汝門之本覺旦語已孫曰汝有子祥也既  
而果生男夫人喜曰神不我誣遂以粟名嘗得眩疾既問曰  
吾度不能久處人間矣命舁柩堂下沐之曰吾藏身此中無  
隙則佳耳又命新婦取衣衾當斂者縣之椁餘悉散諸親愛  
除夕家人進椒酒夫人起居尚無恙元旦坐堂上親戚爲壽  
畢曰我明日逝矣爲我謝某謝某翌日沐浴更衣坐呼已孫  
等謂曰吾年七十六壽亦足矣死自吾順汝曹勿號慟亂我  
聽使我得好去也語已遂殂實元至正十年正月二十日也  
法孫蚤世虎孫仕元爲岳州路儒學正平江州楊柳灣茶司  
提領亦先卒已孫今名觀即公也仕  
國朝歷太常卿翰林學士國子祭酒至今嗚呼夫以貞孝

際  
慈睦其賢卓著如此固非凡婦人所及至於聽言之惑雖終  
不亂則又士君子識義理者或有所未能而夫人能之豈非  
難哉雖生不及見子之貴以享其榮養然死而子能以儒學  
聖朝爵三品當得褒贈之命象首錦纈以光音於窀穸又能  
追述懿行以圖不朽則夫人何憾焉銘曰  
維君子嬪貞以提身能教其孤爲今名臣卒既有年始歸斯  
阡時虞未遑豈曰緩焉乃刻銘章載揚幽光永固以安夫人  
之藏

長山先生胡公墓銘

吳沉

金華文獻邦異時碩儒魁彥踵武迭興或以道德鳴或以文  
章顯或以氣節著聲稱當時名載簡冊若乃接前脩之緒爲



後來之倡則長山先生胡公其人也先生諱翰字仲申世金華人在宋有諱漢者以學行聞於鄉號南岡處士先生曾大父也大父諱伯起父諱英仕元爲太平路總管府照磨無架閣事莅政有績先生幼聰睿甫七歲志氣即與群兒異一日於道中拾錘若干緡不敢去坐候遺者至而還之歸告母夫人何氏夫人奇之益督以學既長侍架閣君宦游蘭溪從禮部吳公學公一見即期以遠器繼從吳先生於浦陽博覽經史靡所不究又登文懿許公門南北士在講下者皆願與交復以所著文進之文獻黃公待制柳公二公稱贊不容口翰撰張公於文最少所許可見先生之文無異辭也是時文治方興輦轂之下英俊雲集先生游焉見其人而誦其文者莫不稱嘆有勸之仕輒謝之遂過廣川弔堇里生謁曲阜拜孔子

墓而歸先生於當世名公卿多所交接惟武威余公闕宣城貢公師秦號知己遭時多虞四方兵起避地南華山中著書自樂 大明開天

皇上駐兵金陵招羅賢才遣使聘先生會有以金華民籍田出兵者先生從容進曰金華民素儒不習軍旅藉以爲兵徒費廩粟耳 上可其奏即罷之授衢州教授洪武乙酉奉旨纂脩元史入局撰英宗睿宗實錄及拜住丞相等傳凡若干卷賜白金文幣以歸素嗜山水晚歲愛北山泉石佳勝卜居三洞之上竹林之源幅巾短杖徜徉終日或乘輿入城府訪故舊則留連數日先生生元丁未十一月初三日卒於洪武十四年正月十日年七十有五娶謝氏蚤世再娶衛氏皆無子以姪溥爲後衛氏先卒先生葬之靈源市阜後二年合



莖馬所著有春秋集義有文曰胡仲子集詩曰長山先生集  
先生既沒其門人徐恒狀其行致其猶子濬之與其孤之請  
俾余誌其墓先生稟高明卓絕之資爲精敏宏博之學得於  
心而證於人稽于今而質于古爲文章簡潔清峻不作則已  
作則必高出於人性嚴毅寡酬應未嘗輕有所毀譽暮年請  
文者踵門不苟隨也曹國李公在大臣中號尊賢下士於先  
生待以殊禮每欲以先生名達上前知先生老病不強也  
聞先生卒嗟嘆久之沉之生也後先生十有七年先生不鄙  
而友之比年來數奉談笑相知爲深叙先生之行而銘之宜  
有不得而辭者矣况門人弟子千里有請乎銘曰

嗚呼先生文之雄也山川孕靈秀所鍾也沉浸經籍包羅古  
今至和含中大振厥音五行麗天芒寒色正朱絃在廟肅然  
其聽先生之學豈止於斯命之不達竟老而衰學傳於人言  
垂於世生宇宙中何作何媿金華蒼蒼靈源泱泱先生之名  
與之俱長

故福建儒學副提舉王公墓誌銘

貝瓊

宋之南文獻故家多萃於四明而世其學者有王公叔載焉  
蓋自厚齋尚書倡學者以考亭朱子之說一時從之而變故  
今粹然皆出於正無陸氏偏駁之弊而叔載又能守之不失  
嘗讀臨濠教諭鄭真所著遂初老人傳其言行鑿鑿可考遂  
初者叔載所自號也然不獲一試以終遠近悼之既葬之明  
年其子陞謀立石墓道而以文詞顯于今而信于後者莫若  
國子助教貝瓊仍授狀并書於使者來

中都爲請曰惟是不肖孤方斬焉在衰絰中不得匍匐走謁



館下惟先生哀而銘之庶先人死且不朽而尚書公亦有光  
焉余辭不獲遂次第而爲銘按狀公諱厚字叔載姓王氏其  
先瑯琊人至宋徙居開封高祖安道保信軍承宣使靖康之  
變扈從南渡始家于鄆曾祖撫吏部郎中  
以殿說書祖應  
麟中寶祐博學宏詞科歷事三朝官至翰林學士禮部尚書  
號厚齋父昌世承務郎人皆稱承奉公黃文憲公爲志其墓  
曾祖妣某氏祖妣舒氏戴氏皆贈頤人母楊氏公幼而知學  
八歲能賦詩讀書日記數百言十歲已竟論孟詩書禮記并  
閱尚書深寧集習經義詞賦操筆立就鄉先生王僉判叔蘇  
趙太杜孟何戴教授表元聞而異之回就見焉元延祐初科  
制行改治詩經初李國博元白授詩於舒文靖公璘王與舒  
李世親盡得其源委父益充積博洽凡性命治道禮樂法制

及臺閣典故世胄譜謀鄉里多次問之袁文清公楠曰翰林  
居里第輒問所學對曰近於濂洛關輔建安西蜀諸書稍已  
通習惟讀書記衍義正宗意有所得以其明潔縝密有成法  
易知而可守也因言世之學者稍涉朱子數書輒詆淳熙諸  
老與朱子同時其言論雖不盡合而博聞實踐爲所推許今  
人耳目所不及乃藉口理學以文寡陋高談闊視漸成虛誕  
之風先生宜懲其弊以新士習文清著四明志命公分撰二  
考且言子家世太史亦嘗究心否曰經與史同出異名古有  
編年司馬氏爲記傳隋志始稱正史非古也作史必曰三長  
年代協體統之會人物萃品題之歸叙事貴詳不爲繁修詞  
有要不爲簡彼諛聞寡見雜出衆手舛訛遺漏欲以傳信久  
遠豈不難乎因歷舉累代高下得失甚備文清大喜復閱其



文作而嘆曰先師之道茲不墜矣嘗爲郡庠訓導演說名理  
辨析疑難諸生悅服往時博士朔望講義就章立題卒一篇  
而止公病其拘取四書五經關世教者爲之直說抑揚反復  
聞者竦然嘗三試不偶即棄去舉子業用詞學十二體爲古  
文本之三代兩漢博以唐宋諸家屬詞有法絕去雕巧然時  
之知者蓋寡矣浙東廉訪司副使曾某署郡直學公辭都司  
牟應龍謂之曰先儒謂錢穀亦爲己之學也迺就職塗田砂  
岸先侵於豪民者悉陳而復之盈考宣尉司板授象山教諭  
考覈田租侵漁者不復逞調浦江教諭踰月即去官歸奉母  
時

朝廷遣大臣李國鳳經略合江南以便宜用道逸有司以公名  
上即署衢州路教授而中書復用外臣爲武路教授福

建分省又陞爲儒學副提舉皆不起既老嘗語人曰天地生  
人之初吾不得而知也可知者理而已理之在人初非不善  
克遂其初斯足矣乃號遂初老人云尚書富於著述玉海最  
爲詳洽未脫藁而失後復得之中多闕誤公考究編次請于  
閩帥錢梓并他書十二種以傳袁文清公所撰四明志或有  
讒于僉事苦思丁將毀其板公白太守王元恭曰袁公中朝  
名臣書法高古不可毀也元恭特書以進僉事驚悔命與舊  
志並行公爲成績志若干卷鄉飲酒禮久廢太守用程先生  
端禮言屬公與鄭先生覺民考訂一遵儀禮用賓興歲行之  
以經費不足而田爲吉祥寺僧所據白諸有司僧以田歸我  
歲入遂充其禮浸盛觀者謂紹興以來昉見於此而先王之  
教猶存也公天性質直人有過則面折至發赤品別人之賢



否不以勢位高下為輕重不以待遇厚薄為是非送死厚於  
奉生恤小篤於事大報德甚於念惡勇退急於趨進晚年益  
以詩酒自娛客至論宋季事臺臺不倦且及至正史官詮次  
弗當欲為釐正尤極論奉化陳桎續通鑑前後之失有遂初  
藁三十卷藏子家戒其子陞隲曰承家不在名位而在不失  
身敬身不在外貌表裸而在毋自欺讀書當貫古今處世必  
審進退其有同流合汙以為通矯時干譽以為高患得患失  
以終其身者此吾所深惡非所望於汝也

大明洪武九年丙辰三月十日卒享年七十有七妻史氏系  
出相家與公合德先公卒子二人長陞次隲隲為弟寧孫後  
寧孫通春秋詩二經蚤卒無子遺命與同葬女一適戎某孫  
男一初孫以是年四月十四日葬于鄞縣先塋之右與史氏

合兆嗚呼四明之學惟尚書之庸博精深論者謂兼東萊西  
山二家之長非袁揚所能及而公克繼其傳雖不見之所施  
足以垂後無疑也故特掇其大略而事之具于傳者可畧銘

曰

王氏之先世居邨邨再徙于鄞繇儒起家逮尚書公耀其光  
彩所蓄之富浩乎淵海昭昭大中或為異同倡而正之畔者  
斯從偉哉叔載克紹于後遺編佚藁既習而守人亦有言惟  
祖惟孫不襲以爵道寔惟尊紛紛黃小得失寧辨本棄末務  
內忘外鍵三年象山遠近是咨大夫有友學者有師時既不  
偶宜退奚久日遊以嬉託意詩酒慨彼里豪貪縱鴟張盈必  
易覆烟消雨茫惟吾遂初初豈不善年踰七袞雖悔益顯鬱  
鬱堂封在彼高原式衍餘慶以利後昆



皇明文衡卷之八十五

墓誌銘

國子祭酒宋公墓誌

劉三吾

國子祭酒宋先生卒既往哭弔居數日博士吳守德持學正朱惟嘉所狀先生行實來曰先生嗣子麟疚在苦次不得跣以請茲將歸寔滑之永寧阡惟翰林兄長吾于先生為同舍故懇銘焉尚憶走始來時會先生于春坊先生曰得母與錙長吾為冑弟耶不然何面貌之相似也相與感歎久之嗚呼先兄以後至元丙子入監周旋十有五年中間纔兩歸江南爾在監舍法以同時為冑弟以冑弟相知為世契則走于先生恐銘忍不銘按狀先生姓宋氏諱訥字仲敏世本衛之山陽人後徙滑家焉兩世繇貤恩贈嘉議大夫禮部尚書上卿



車都尉追封京兆郡侯諱德仁其曾祖贈中奉大夫河北江南等處行中書省叅知政事護軍追封京兆郡公諱宣其祖官中奉大夫陝西諸道行御史臺侍御史贈推誠秉義守正功臣通奉大夫江淅等處行中書省叅知政事護軍追封魏郡公諱忠肅諱宗祿其父忠肅在元時敷歷中外四十餘年五持憲節逮事七朝豐功盛德所以壽後衍慶神道碑紀之悉矣先生濡染家教動以矩矱雅性遲重不妄言笑齒貴胄館以來所師宗工碩儒月開日益卓然有成擢科登仕為時聞人中經繹騷乃被褐懷寶以自韜晦

皇明受祚徵詣公車 召見次有言動聽洪武之十三年也是冬除國子助教橫經發難擊節廓塞學者如客得歸嘗同諸儒應制撰教文畀僧道錄司領教事者十有六通操筆立

### 成雅稱

上意超授翰林學士奉議大夫俄陞文淵閣大學士日見親信有所補拾曾見大學成中外歲貢學徒日夥而職大司成者往往巽悞師生相訐教尼不行 宸衷簡注擢為祭酒陞朝列大夫以釐正前弊

上自製誥詞至以尚父興周八百擬之感惟 眷遇所以提挈錘礪不遺餘力師道既立

白玉心載寧乙丑戊辰兩科得士大率三天下之二而龍頭魁選恒在太學大被賞遇一日有疾

上遣中使致諭其畧曰卿稟天命之性發仲尼之誠施已之幽德脩道教人所以病不病而速差以其有神也

天章下賁光輝儒紳恒謂祭酒骨格必壽適有畫工至



命繪其像肖焉喜益

天表然終老之以其子麟主望江簿持

勅召之還俾便侍養其被遇優渥類此方倚之以棟梁我道楷式諸生也不謂得疾旬日遽不可起病也尚醫來治卒也遣官致祭其文悉

上所自製故事文臣四品無給喪費者曠典之舉昉自先生斯皆異數也居嘗寢食恒在廂房未始一宿于家及是疾革麟等託諸監官懇請其還厲聲曰是何風雲氣少兒女情多况在丁社兩祭齋戒中耶至是祭畢乃就寤歸一不口及家事及家氣絕焉二月之三日昏暮時也嗚呼先生以八袞之年當易簣之際而風雲為氣不少衰丁社兩祀始終齋戒是持非其平日操存有素詎能方寸不乱若此哉可謂真大丈夫

夫矣最其平生所裒集先世碑銘傳紀曰紀德錄一集所自著述曰西隱集文十七卷既號西隱復別號所居別業曰白雲茅屋自法書名畫外他無所嗜好中朝名鉅詩若文讀一二過輒能記憶不減少時今皆已矣生以元至大辛亥十二月四日卒以今洪武二十三年春壽八十配康氏先卒子三人長衍祖即麟擢進士第拜監察御史出生望江簿次復祖鄉邑訓導次安祖女一人在室孫男三恕慧懋女孫四所適其人長郭謹次陳惟新次李均一在室曾孫男女各二皆幼臨歿柩時

上再遣祭舟車之費一出于官可謂主祭死哀也已銘曰

銅臺世家忠肅公挺生賢嗣遭時雍身逢

堯舜接夔龍代言文淵掌辟靡感惟



皇上倚注隆率先條約自其躬風雲氣槩冰霜容教行六館  
諸生從金石文章錦綉曾蔚為海內諸儒宗譽髦多士振文  
風棟梁我道伊誰功夫何一疾遽告終

至尊為之惻 淵衷 命醫與祭 恩禮豐年登八表數始  
窮歸窀穸祖塋得幽宮銘阡者誰青藜翁子孫世世其吉逢

王紹汶墓誌銘

劉夏

洪武二年七月余受 命尚書來河南陝西兩省訪求前元  
庚申皇帝天下州縣三十六年入史事跡其在河南置局武  
成廟之側浙東士大夫王應璧見訪為言其先祖紹汶字惠  
齊生當宋末元初之際貌奇古美髭髯聲音琅然聞于堂室  
家小嶼溪水環其屋壁門前松枝壓逕梅竹綠坡又雜蒔蘭  
鞠風至則左右紛披有名帖千卷書萬卷峩冠太師

誦五經又立方通百氏之書下筆千餘言立就及聞里中有大  
役則奮袂而興或造公府不避是非利害必俟眾議歸於公  
正乃已臨終力疾書曰利人之事可周旋處雖獨力亦當自  
為害人之事於戲謔中雖一念不可妄發又書曰曉夜讀書  
閑暇治家皆令刻板以垂示子孫娶陳氏子師古與泰女三  
皆嫁士人孫三公培應璧公恕享年八十有六余聞應璧之  
言矍然而嘆曰斯人也是乃蓄德君子宜有後者也富貴功  
名既不在其人之身則在其子與孫矣徐考之應璧其子名  
師古者有猷為有執守文學議論幾冠儒林然不肯仕其孫  
名應璧者十八歲游幽京歷仕至黃州總管推恩封贈紹汶  
中順大夫江浙等處行中書省理問官上騎都尉追封天台  
郡伯嗚呼為善無不報要於久而後信觀王氏祖子孫三代



豈不固然與銘曰  
炎炎者勢翁翁者利閭閻崛起朝躋夕替所以古之公族大  
夫必尚論其世也

許士脩墓銘

方希古

天台方孝孺有篤志尚德之友曰許君繼字士脩言必出乎  
正動必由乎禮趨舍取予咸則乎古之君子而無所苟其精  
思力學以求道德性命之蘊汲汲若或失之而有得乎心沛  
然以樂不以貧賤患難惑其志余取友二十年所交海內知  
名之士甚衆考其所存莫有類吾士脩者蓋其操志勇自守  
介所期者遠而務踐乎事所造者深而其心歐焉如未有得  
使假以壽年其所志當卓絕過人而年僅三十有七而卒焉  
呼此豈特斯人之不幸耶士脩之先汴人其六世祖景元宋

高宗時爲台州教授以遂家焉後徙寧海爲寧海人高祖文正  
曾祖彬祖光父琳比日業儒而不仕士脩質高明自爲兒童已  
有成人之志以學自勉喜爲詩其高妙處有魏晉人格  
韻別自號觀樂生其詩多道其所樂言暢而旨深非近世人  
之所及也或傳其觀樂九詩至京師翰林學士金華宋公見  
而嘆賞之以爲不愧古人凡一時名能詩者皆自謂弗及而  
士脩不自足益刻意經學玩心天人究曠探微將大索六藝  
之緒反之於約以成身致用而病作矣旣病咯咯然嘔血而  
學不止病凡三年每見心覺其進瀕死精神不亂與人言死  
生晝夜耳奚足怪談笑而逝嗚呼士脩之於斯道非篤信不  
惑其能然耶初士脩學於鄉先生王君蘊德王君奇之妻以  
女弟生一子曰縉二女曰忠曰惠王君固名士其弟琦尤與



士脩相好士脩以洪武十七年正月二十六日卒琦述其行  
爲書託予銘予謝曰子兄弟與士脩善銘莫宜焉奚予之求  
後五年王君仕藩邸死琦亦謫去士脩弟顯將以其年月日  
葬其山來速銘於是士脩之親友盡矣予尚誰辭銘曰  
學失其統鶩于空言飭外以欺幾忘本源嗚呼士脩志篤行  
邵惟正之趨非義弗蹈暨暨其守汲汲其求棄遺芬華獨與  
道謀業雖不終世罕厥似我庸闡微以勗髦士

皇明故通奉大夫晉相府右傅桂公墓誌銘 弁序

王景

洪武二十年十二月某甲子晉相府右傅桂公卒享年六十  
又七明年正月某甲子葬于董輿之原循先志也又明年其  
子慎奉其友韓宜可狀來請銘不復辭公諱真稱字彥良以

字行從幼不群聞長老道經訓則嗜若醇酎既冠通經史百  
家言麇秋闈中之不得志于南宮歸長包山再長高節皆有  
文名除平江路文學掾不就戚孤不弦搥俚荒蠹公以六籍  
橫鶩大肆伸儒遏暴方氏連甌越來辟立謝之聚徒山中嚙  
齋道真雋求聖涯曰吾以待天下之定也

皇明天造反剗刻僞一歸于正洪武紀元觀風者以名上省  
憲交辟不起六年大徵天下士行省復以名聞持詔公車厠  
于數千之列唯公得以白衣錫宴除

皇太子正字授承事郎侍講六年顯仁闈義出周入孔與衰  
治忽敷啓剗切

東宮深器之會文華堂給事不飭勅公啓迪曰昔許魯齋諸  
生多爲宰輔卿其及侍宴以



御製勅訂正以聞詔以治道公曰道在心心不正則好惡頗好惡頗則賞罰差賞罰差則太平未有期也是以君人將忿欲是務去明年日南至有事于圓丘以祝文譴主者公曰予小子履湯用于郊我將我享武歌于廟以古率今未足深譴上咲曰卿動援經史屢聞獻替稱善久之嘗有以墨敗官者賜死公力諫如律不聽公但曰三尺法當與天下守之上頷之滋欲試以事以三府疑獄命之讞以情原者若干人翰林以失議見呵公奏當取長畧短

上曰不然吾因其長而拔其短以造其全時方以法繩下訪曰法數行而數犯奈何對曰用德則佚用法則勞勞以靖民則民勞而弗靖德以靖民則民靖于德矣他日與林温同侍上曰卿何官曰正字

上曰御帝者師也其在上所屬類如此十一年除晉相府右傅授通奉大夫內出勅文以孔孟斯之在官青重望尊治出聲生府告無事

王益重之政多決焉公謂王者一正心而國定因進心圖以明之十三年革相府改長史授奉政大夫以疾謝詔許之十五年朝京師上太平十二策奏報十八年勅歸鄉里五世祖萬榮宋寶章閣學士知常德府高祖某宋宣議郎會祖康老宋富陽知縣祖俊卿贈嘉議大夫浙江鹽運使父與紹贈中奉大夫浙江叅政初公元中書右丞葉文簡公之孫判慶元府同之子也生而室有火光燁如流星以為不祥出之叅政公子之娶岑氏早世三男子曰抗曰智皆大再娶于陳封夫人至孝身治家內外井井不以貧疚不以貴驕先



公卒享壽五十又七與公同墳異藏生慎及全慎仕爲中書舍人公平生純一見道處官若家尤不以貧富動心仕止進退不亟不紆坦坦施施及與人交命觴詠詩踔厲風出窮日夕不厭人以春風和氣日之其著作有和陶集春和集清溪集知足集凡若干卷嗚呼甚矣儒道之有裨于世也身用之則榮家國用則寧天下用以平公自結髮戰藝以功名終將何脩而致是哉亦唯道而已矣嗟乎道之爲用闕矣銘曰不拙而伸其道允藏不樸而文其德不爽天球在序金奏在宮聿諧其施以爆匪躬旣燁其英亦頌其聲有閱其羸繫後之成

戶部尚書郁公墓誌銘

解縉

永樂三年八月五日戶部尚書郁公薨于位

上遣官祭以文命工曹具視輟朝一日顧翰林學士臣縉歎息稱其才嗚呼公之哀榮始終固可美國家所以待臣庶恩禮之厚尤足以激勸於當世公之子孫豈不求有庇賴歟於是其子彬衰麻踵門泣而致公之治命請予銘其墓噫公與予交二十年未嘗爾汝褻狎亦未嘗挾長殺敬禮予二人者亦自信爲誠實洪武二十二年予侍講華蓋殿中公始受命爲戶部度支主事場名新明年改戶部司屬二十三年陞北平部郎中二十四年六月超授嘉議大夫戶部右侍郎考滿

上於庭中稱譽擢尚書授資善大夫十三年于茲矣非才而能之乎抑公之盛福其祖考以來積累之慶非偶然而致也公家素饒財慷慨豪舉不爲齷齪喜賓客樂於賑窮之不爲



德色洪武中奏事庭中被頤問天下戶口漕運地里險易計數時日應機響答無遺謬自謂劉晏以下不論也晚歲多疾乃時在告

上其憐之公亦時自語予吾覺衰老恐旦夕先朝露不能報國恩吾平生無卓異惟君知也幸與之銘其墓紀其榮遇而已嗚呼公非可謂達歟公蘇人也曾祖仲和祖瑜父德字銘本公以至正丙戌正月十四生於吳縣洪武元年祖父遷居鳳陽臨淮縣公隨而家焉公娶嚴氏綜理家政嚴而有緒彬字孟父亦克孝敬公嘗屬之予曰他日視之曰余故人之子即此子之榮也公墓在臨淮古城之原銘曰

古天司徒職惇典禮馴擾兆民豈惟會計惟公奮身亦以豈亦向向休休爵祿之器歷官十年先榮後光豈曰其才有德

千天豈無人謀不如盛福崇崇其阡臨淮之麓

故元同知邵武路蕭公墓誌銘

元之季世天下四分五裂其間盜名字者無慮千百計獨聞之陳友定起徒步至列將相百戰守死為元東南烈士未能或之先也當是時吾鄉豪傑之士多從之崎嶇嶺海至死不怨而朝廷音問實籍以通先祖太史公真烈死節事聞贈官先君子亦宣授資德大夫三知政事詔使來自海上友定遣江君伯昂與俱來且說熊天瑞于贛伯昂與先公少相善也為其言友定意先公感激因邀里中士蕭君克欽輩數人俱至贛說天瑞猶豫先公以太夫人老病不得行伯昂云報命克欽南逾嶺表間入閩微觀之崎嶇兩淞出金陵轉入巴蜀還寓長沙麻湘潭以歸與先公謀曰吾觀群豪智略下獨友



定忠義殆可倚也乃復之閩友定承制授克欽奉議大夫同知邵武路叅其軍事友定用法嚴往往致濫輒爲營解全活甚衆當行兵擊賊入建陽山谷間卒遇千餘人圍之數重執長刀躍馬奮擊賊首兩人直前來刺將及忽大呼辟易其衆曰且止且止此吾父蕭公也使語之二人跪曰我嘗見獲於君賴公救之得生今雖衆寡不敵我終不敢背德布陣稍却羅拜雲集行建寧光澤道中有七人者執兵而前跪曰生我者公也每思無以爲報今幸道經我里敢以白金百兩爲從者獻蕭君不識也其人各言姓名及所以營解其生之狀君慰喻却其獻而去洪武元年戊申隨友定至京友定死君以親老辭不仕歸田里年財四十二事親以孝聞諸書教子洪新寒威暑手不釋卷親戚子弟從學多所造就洪武戊

寅六月二日終于家享年七十二於歲

謂全名福矣君生

元泰定丁卯歲餘親母王氏卒繼母王

氏鞠之愛之逾已出

岐嶷不凡幾冠從受書於安成羅先生

學成教授其鄉卓然

以不隊其家爲念而所以去就卒如此可謂難也矣余聞之先公常欲爲之傳其事今子翰林檢討引高與余同修

太祖高皇帝實錄見友定之事而歎蕭君之不可作也引高亦感風奉狀請銘余不敢辭也按狀君諱寅克欽其字所爲文章曰舫中集晚自謂舫中叟學者稱秋舫先生系出

齋

鄆陽慶居山東濟寧有諱忠國者事宋高宗爲吉州出防禦使子文婿吉水城西章氏子孫遂爲吉水人高祖典簿公文布曾祖信可祖德永父雲心世積忠厚連姻士族娶文氏先卒繼王氏徐氏子男五人長仲高其季金高皆先卒次即引



高次憑高次持高皆能世其家女子三人適士族孫男子十  
四人慶榮回艾明會弘卒儀益本遵係全曾經曾孝蒙親以  
壽終之歲葬君子邑之仁壽鄉荷塘山之原銘曰  
有偉蕭君世之通儒縱觀四方議其賢愚得所宜歸之死不  
回從容進退鍾鼎若違蔬食之甘韋布之温天錫壽祉有賢  
子孫得譽之真身後乃定盍視厥銘惟善無競

故奉政大夫大醫院使戴公墓誌銘 王汝玉

永樂乙酉冬十一月二十一日奉政大夫大醫院使戴公卒  
於清江故第其孫紹以丙戌年十二月十七日卜其鄉獨秀  
山之西葬事焉持前春官大宗伯鄭公沂狀不遠千里來  
京師謂余請曰近故以來大夫之沒咸得乞銘於文章君子  
述其潛德善行鐫之貞石或揭諸墓阡或瘞諸幽宅以貽永

久先祖考不幸大故而封於石未有其辭不肖之愆何以

自追願先生哀而銘之余辭不容乃按狀敘次爲銘公諱恩

恭出唐平南節度使銀青光祿大夫檢校太子尚書令諱昭

後至公歷廿有一世曾祖諱濤祖諱暄父諱堯皆隱居不仕

素以詩禮相承稱浦江望族公資篤敏讀書必求聖賢微言

奧義爲文若詩不尚浮藻務底有用於時暇日於星象堪輿

風鑑之術靡不旁推曲究尤精心軒岐書烏傷之丹溪朱彥

脩氏得許文懿公道學正傳學醫于武林羅太無盡得其秘

公先府君蚤從之游繼遣公往執弟子禮受業其門丹溪一

見輒奇之悉語公濂洛授受之懿及醫學諸家要故以醫道

鳴浙東西洪武丙寅三月

皇上龍潛北京嘗患瘕聚遣使

召公治療刻日奏功



晉府親王邁未疾亦迎致公隨獲異驗厥後

晉府計聞

高皇帝馮怒王國臣僚悉逮赴京時公侍左右從容進曰

昔者臣嘗受知於王飲臣之藥數矣然竊慮其膏梁之毒復

作也今乃果然

上於是釋然改容諸臣咸得不坐壬申七月

太祖高皇帝徵公入朝料屬領大醫院事公以老病辭授階

迪功郎職御醫值風雨免朝戊寅夏五月

高皇帝大漸公同列進藥不稱者皆麗于辟獨指公謂侍臣

曰戴元禮仁義人也慎毋憖近臣聞于遼府親王為書三

大字賜公肅慶二府咸為督詠朝野名卿鉅儒播之篇

翰克物卷帙也

皇上正天位超陞今官既就職後以耄不任事為請弗從至

數四乃許之仍賜誥命金帛致仕歸田里甲申冬十月復

命使者乘輅召公伏枕不起乙酉夏四月以安車入因公衰

病免行拜禮優臥官舍惟特召乃進見是冬十月復請乞

骸骨勅十五日吉治行俾禮部選官護送瀕行諭公曰

朕復召汝汝其來也公既抵家出賜金脩祀事遍召親故宴

飲為樂置榘簋拜丹溪墓載酒造邑中從所知敘平生歡用

昭恩祝之隆甫旬餘疾作公自知不治將易箆召諸子姓

訓之積善守法具告以不能補報

聖慮為身後愧言已而逝享年八十有二卒之明年春二月

勅命行人翁綬諭祭于家

御製祭文褒獎至備具載國史公歷事



兩朝藥餌所施奇効不可殫述金縷楮幣上尊珍饌駢蕃之  
賜殆無虛月公平生亦誠慎寅畏未嘗少有過差是以遭逢  
眷知終始一致自古迄今士之榮幸幾以加焉蓋公之學出  
於丹溪丹溪之學源深而本固非近世醫家者流所可比余  
曩得其書讀之爰自易水張氏河間劉氏東垣李氏曠百載  
沂而上焉極於素問靈樞宗旨推天人交合之理辯陰陽偏  
勝之氣其識卓以明其說詳以密以故見之於用能起死回  
生動若神助一洗拘方泥法之陋誠儒者格物致知之急務  
也公以所得於丹溪者觸而伸之類而比之研精覃思明體  
適用宜其遇病施治若矢發機必中正鵠彼不善爲射徒袖  
手操弓莫知攸措焉公今已矣後之人能知丹溪之學者皆  
公有以倡啓之也公娶諸暨楊氏生子男二曰儒曰儼皆先

公卒孫男四孫女四其請銘者長孫也銘曰

二氣流幹天清地寧人於其間稟茲粹精苟或滯焉灾疢以  
成學喪千載彼昏孰醒匪有先覺疇探其情金元之際群賢  
迭興貫道三才窮玄洞冥後丹溪氏遺緒是承載闡微言大  
宏厥聲公遊其門擷華蹇英

皇皇聖世以醫自鳴際遇

兩朝丕膺寵榮公雖已矣不死猶生垂範後學識是夷行濟  
危扶殆有則有程獨山之原闕是泉扃過者必式視此刻銘



皇明文徵卷之八十六

墓誌銘

故奉議大夫浙江提刑按察僉事劉公墓誌銘

胡廣

國初廬陵諸君子仕於朝其聲光炳耀卓然為時所稱譽者  
無慮數十人而劉公季道其一也公以明經被薦初拜起居  
注遇事知無不言竭盡誠悃首發御史大夫陳寧奸深為

上所信更轉龍 駕幸中都度清流關

上賦詩命百官和公獨先就有治定不教生縱逸功成猶遣  
歷間關之句

上覽之曰有安不忘危之意賜白金二十兩綵段二端未幾  
拜浙江提刑按察僉事決積歲治獄六百餘起有牽於文繫



者平反尤多民以無寃咸嗟服之此其卓然有聲稱者竟爲  
陳所銜傳致其死時洪武六年月日得年四十有九公諱宜  
正季道其字其先沛人唐末自沛官袁五季之亂由袁徙吉  
居永豐灞溪曾祖諱其兩領宋漕舉授新淦縣丞祖諱其恒  
山縣令父諱奇相元至治癸亥領鄉薦爲東湖書院山長吉  
安路儒學正撫州路儒學教授母張氏公居幼穎敏過諸兄  
八歲隨父居東湖讀書聲琅琅聞于外賓客往來應對閑習  
人多譽之九歲喪母哭泣逾哀十三喪父居喪毀瘠不勝始  
事鄉先生劉惠心繼從山泉解先生二先生咸異之時郡守  
開堂試公年十八就試中高等獲綵綺二旣而持所學試于  
有司再不利有得其文讀之曰如此而見擯斥命也季道奚  
辱公曰吾學未至耳非有司病吾元季天下繹騷其友梁某

爲福建招討託致其母扶持兵革間出艱難致其母于相見  
某拜公曰微公其孰能致吾母終身不敢忘德嘗與姻戚居  
逆旅忽得疾公親爲調藥餌旣死公抱之而哭解衣葬之所  
遺金悉以歸其子兄弟四人長皆先沒惟仲兄存公迎至家  
養之比其沒葬祭皆盡其情無子以次子爲其後公娶邑曾  
氏賢而有婦行自公沒惟以教子爲事子三人長曰忠次曰  
勗幼曰肅字子欽子欽登永樂二年甲科爲名進士入翰林  
爲庶吉士其文學爲儕輩所推讓女一人適某孫男九人女  
二人距公沒三十餘年將卜葬于某山之原子欽始以狀來  
請銘謹按狀而銘之銘曰

嗚呼劉公挺然之英政事文章焯焯有時稱發奸之言揚于大  
廷巨蠹一聞膽落魄驚諷辭戒逸治定功成至誠有動



錫賚寵榮載歷風紀激濁揚清事有失頗公執其平伸抑理  
枉獄無歎聲奸臣銜公頃不忘情傳教公死惡害公生生有  
不沒死則公寧公天既定彼奸曷勝以磔以裂

天子聖明公憾既釋烈日薄冰彼奸鬼賊公猶列星有燁其  
芒南極長庚伊彼鬼賊稔其穢腥有北豺虎以莫不憎公有  
令子式克繼承以昌家學甲科聿登庶或在茲報公冥冥有  
封如堂以妥公靈爰伐貞石鑿不朽銘百世之下斯文是徵

羅公矇叟墓誌銘

我

太祖高皇帝秉運龍興文武智謀之士四方雲集各獻其能  
茲雅暴橫肇建洪業偏漢逞兇殲于鄱陽其子理潛歸武昌  
上不欲窮兵乃遣儒生棹三寸舌以說之廬陵羅復仁承

命往說說下完城不費一矢雖其口舌之功而實本於  
太祖不殺之仁有以致之也復仁質直遇事敢言以是功授  
弘文館學士後賜休致于家其從子養蒙好言語持辯論侃  
侃無所避人謂有其從父風而文學或過之羅氏代有其人  
養蒙諱以明養蒙其字自號曰矇叟幼知慕學家貧母鬻醬  
珥以教之七歲善聲對十二三能為辭賦及冠為童子師常  
得肉味輒先以奉親所得一毫不自私元末兵亂值太父母  
及父三喪竭力盡喪葬不以貧窶廢禮一日假館新塗忽心  
動亟回家時母遘疾甚危即禱天請以身代母竟死更二日  
復甦謂曰適有神人告我云更與汝壽五齡人皆謂公孝誠  
所感母後果五年而沒母沒哀痛幾絕終喪如一日自是遇  
歲時祭奠必泣下沾襟鄉人見者莫不稱歎故公之行有以



服人雖寇盜聞公言皆感愧不復為攘竊 國初有勉公仕者公曰我逢 聖朝為太平之民謳歌田野以樂治化教子課孫以報覆育之仁吾老矣無能為矣今

天子即位改元永樂其中子女敬領鄉薦明年上春官登進士第入翰林為庶吉士陞修撰皆公之教也汝敬嘗迎公來就養公時猶康強朝

上于奉天門見

皇太子于文華殿特加問勞 命大官賜膳人皆榮之已而辭歸詞林士大夫多為詩歌餞送于都門外觀者咸嘖嘖加羨公歸鄉惟日賦詩歌頌太平間以書勉其子惟盡忠孝年已八十六耳目聰明飲食無異平時一旦儻然而逝永樂壬辰十一月廿三日也生故元泰定丁卯月日曾祖德茂元瑞

州學正祖仲哲父時中俱博學有文章母蕭氏配蕭氏再娶李氏俱先歿子男七人曰忍曰德曰盈曰恭曰肅即汝敬曰仁臨江郡學訓導忍德先卒盈為復仁後孫男若干人孫女若干人曾孫男某曾孫女若干人以某年月日葬于鄉某山之原汝敬以右春坊右諭德兼翰林侍講金公幼孜所述行狀泣請予銘予生也後嘗忝與公有文字之交且辱相知詎可以辭况公平生學問操履出處大槩表表可稱至其事親誠孝感動神明此猶可書謹按其實而銘之銘曰

羅氏之先始出錢塘有衍其支乃迂豫章奕葉靈陵復蕃吉水桃林之墟蔚蔚嶷嶷科第相望寶祐迄今有睥高曾襲其簪纓猗歟矇矇式承家學以孝事親質神無忤士服儒紳八十六年鶴髮童顏飄然若仙逍遙林壑優游卒歲他人天爵



公獨良貴公今逝矣以及其道九原不作永闕斯文

王竹亭先生墓誌銘

楊士奇

國朝混一之初天下耆儒碩師往往多在微 詔數下或進而階顯融佐代理或退而信廉節成後進皆卓然有益於世也是時泰和王竹亭及其弟子啓兩先生正學篤行高風直節表表乎大江之西洪武二年子啓先生首舉明經爲監察御史明年竹亭先生以說書徵既至上書論事更授福建鹽運副使以老得辭子啓先生後陞廣西按察僉事又擢知崇慶州政治赫赫已而罷歸時竹亭先生春秋六十餘子啓先生亦幾六十伯仲恭愛隆然居必一堂出必鴈行長身玉立儼乎端恪巍冠褒衣襜褕甚偉蓋望之如神人無不肅然起敬長者至其接人色莊氣溫雍容怡如語簡理盡無不樂就

之焉竹亭先生諱沂字子與竹亭其別號幼讀孟子卽知於義利稍長刻厲學問嘗從元進士楊升雲彭復初治周易造其室奧自六經至於周程朱張之書靡不深究及子史百氏咸旁通博考蓋於天人之微聖賢之蘊往古治亂成敗之故蓄之富察之審言之的而履之確也嘗一試有司不合卽不復出教授於其鄉而所交游往還皆當世名人元季江西叅政全普庵撒里守贛州禮遇先生辟爲行省照磨又承制授吉安路治中俱不受選

皇明龍興洪武三年廣東行省聘考貢士試是年侍御史吳去疾言泰和王沂經學操行宜在侍近遂徵爲說書至未幾而歸益以成就後進爲務從學者愈衆傾竭底裏隨其材而篤之而皆有成先生資識高明內貞外和氣度弘偉規範自



然安成進士劉雲章嘗贊之曰淵乎玄酒之在尊凜乎大阿  
之未出匣嚼乎其清而挹之弗竭薰乎其和而卽之弗可狎  
又曰使及門孔氏則風雩之詠歸端章甫之禮樂固將進退  
綽然而特視其所合蓋確論也先生孝友篤至歲時壘祭循  
古禮燕處必嚴未嘗啓口及人過失有文集若干卷承旨宋  
公濂爲之序詩若干卷襄城楊伯謙序之洪武十六年某月  
某日卒年六十有七王氏世有德義其先出晉司徒導之後  
由金陵來徙至宋戶部侍郎贊顯于仁宗朝事載郡志又若  
于世至圭爲榮王府賓客與周文忠楊文節皆善學者稱虹  
溪先生虹溪若干世至性夫性夫子以道元李韓公復嘗薦  
之以親老辭二子先生兄弟也先生娶陳氏繼李氏皆有賢  
德子男一伯貞舉明經累官瓊州知府女一嫁嚴玄齡孫男

淡暮年尤工於詩有樵雲集若干卷生於元延祐丙辰三月  
十一日卒於洪武庚申閏五月某日初權厝金陵聚寶山後  
某年某月某日歸葬鄉之清秀里布山之原祖廣孫累贈嘉  
議大夫禮部尚書父熙春累贈中奉大夫浙江行中書省參  
知政事祖妣孔氏贈淑人妣林氏贈夫人公凡三娶先梁氏  
次石氏俱贈夫人汪氏封夫人弟文昭學識優長隱德弗耀  
子四人曰恒曰震曰復曰頤皆知學好禮惟震有詩名孫男  
四人公瑾公瑜公瓚公玖女三人梁仕貞梁明理嚴公敏其  
婿也孫女二人次第公之行實來速銘者卽震也於戲自元  
綱解紐海宇兵爭乘時奮者莫不剝下自封樹威肆毒少知  
推一毫爲利人事公能仁其族屬以及於衆視彼之暴豈直  
相萬哉及一時與公全城來歸者鮮克有終惟公踐歷中外



官至卿相忠義著 朝廷聲名滿天下勲垂竹帛德在人心  
五福備膺子孫蕃衍非先世積善之深公存心之厚何以臻  
於是耶銘曰

嶷嶷李公世爲粵人積善旣久鬱而未伸族大而蕃實自公  
始值元鼎沸保障鄉里公之庇民如室斯宇公之好賢誠出  
肺腑

聖明御曆威靈四夷公散其徒全城來歸

帝嘉厥誠錫以祿秩尋陞秋官克殫忠赤後參大政于浙之  
中威德交孚聲聞

上聰欽仕于朝出于寵渥時有數陳多所裨益逮居相國有  
諤其言直雖不容此志則完之身云公之德弗替慶流綿綿  
式延後裔清秀之里布山之阡勒銘尚石垂美萬年

以啓益士奇蓋多不敢辭蹇氏世家重慶之巴縣宋以來多  
顯仕自公高曾而下始隱居不出曾祖繼祖妣牟氏祖均壽  
妣雍氏考源斌妣胡氏繼羅氏以公貴贈曾祖祖考皆榮祿  
大夫少師吏部尚書曾祖妣祖妣皆夫人公諱義字宜之  
生而岐嶷長端重不好弄而嗜學弗懈始從里社師中書左  
丞殷哲時爲郡守一見異之引充郡學弟子員語其師曰是  
兒將來遠到非吾所及當成就之而公不煩程督日益有進  
洪武甲子中四川鄉試明年中禮部會試 廷試賜同進士  
出身擢中書舍人授徵事郎見重

太祖高皇帝每前奏事率稱 旨而數見獎賚初名瑤一日  
奏事畢問汝蹇叔之後乎親灑 宸翰書義字賜之以易舊  
名時丁羅夫人憂 賜道里費且命馳驛歸蓋 特恩云服



關仍舊職滿三載吏部奏當調 特命終九載朝夕左右凡  
機密文字必以付公而小心敬甚久而愈篤建文中陞吏部  
右侍郎授嘉議大夫

太宗文皇帝入正大統轉左侍郎數月陞吏部尚書授資善  
大夫時政令制度有非洪武之舊者 詔悉復之公從容爲  
上言損益貴適時宜間舉數事陳說本末  
文皇帝以公忠實悉從其言小人有譖公不忘建文者賴  
上聖明不聽有除官不得善地訴公不公者

上皆斥之未樂二年冊

仁宗皇帝爲皇太子命公爲詹事時師傅皆以勲臣兼之而  
輔導責任文臣詹事蓋元僚也  
上欲有諭

皇太子率諭詹事往導意公亦委曲周悉 皇太子尤愛重  
公所言靡不信用滿二載陞資政大夫十年 車駕巡狩北  
京命

皇太子監國中外庶務惟 諸王及遠夷有奏請詣  
行在餘悉啓聞處分公熟於典故達於政體孜孜無倦不動  
聲色而事賴以濟 賜誥以其官秩封贈三代滿九載  
助教有秉心正直及淳良篤實裨益 國家之褒數奉命兼  
禮部事雖職務填委處之裕如十七年丁父喪歸  
上及 皇太子皆遣官賜祭

皇太子贈賻尤厚有 詔起復公詣北京謝  
上慰勞再三賜鈔千緡遣中官護送歸南京明年從  
皇太子朝北京遂命公巡撫直隸應天等府州閭兵民休戚



及文武吏之賢否而升黜之公謂 國家多事之際悉以法繩吏人將不勝特黜其太甚者數人餘多見寬假而兵民利弊當興革者具奏行之

仁宗皇帝初嗣位一切政議預者三四人而公居首進少保兼吏部尚書二俸俱支 賜冠服象笏及玉帶二遂進少傅及進少師 賜師傅之臣銀章各一其文曰繩愆糾繆公首

被賜

上諭之曰朕有過舉卿即具疏用此封識進來蓋望公等匡

直也繼 賜誥授榮祿大夫封贈三代及妻於公數人誥詞

上特增曰勿謂崇高而難入勿謂有所從違而或怠所以望

者甚切也又念公侍從監國舊勞特製蹇忠貞印賜之

故有以善翊君勞心焦思二十餘年夷險一節之褒

時修

太宗皇帝實錄命公監修

宣宗皇帝嗣位一切政議屬公數人如

仁考之初繼奉命監修

仁宗皇帝實錄書成賜白金文綺鞍馬扈從征庶人高煦還

寵賚尤厚復從巡邊既還以公年老不欲煩以有司之務

賜敕曰卿事

祖宗積效勤誠朕嗣統以來尤資贊輔夙夜在念圖善始終

蓋以卿春秋高尚典劇司優老待賢禮非攸當况師保之重

寅亮為職不煩庶政乃副倚毗可輟吏部之務朝夕在朕左

右相與討論至理共寧邦家其專精神審思慮益致嘉猷用

稱眷倚老成之意繼 賜銀章一其文曰忠厚寬弘蓋以褒



德云 賜新第於文明門內寵錄游加吏部言公歷少師九載降 敕褒諭仍 賜宴禮部是歲生旦賜鈔萬緡廐馬一匹

命上嗣大位之日賜白金文綺是夕齊宿於公得疾越五日竟不起享年七十有三公爲人沈深質實和厚簡靜內有孝友之行事君有誠虛人有量無所拂逆未嘗輕涉一語傷物至於議法亦不苟爲包含必歸中正歷事

五朝凡五十年所履坦坦無一日顛躓之憂退朝之暇手不釋卷貴而能謙富而能約

上前所言未嘗退以公語人蓋天下有陰被其利者矣士奇嘗竊論之魯簡肅之中 實不欺李文正之不爲傷人害物張忠定之不嗜玩好傳 簡之遇人以誠范忠文之不設城府公

蓋兼有之矣元配劉氏繼張氏皆封夫人子男四長英次芳次共次荃英荃皆尚寶司丞荃先卒女二長適馬駿次適李成孫男四霖霖霖露女一公之葬以薨之歲某月日墓在巴縣其鄉某原先塋之次銘曰

節于蜀山浩乎蜀川孕精毓靈挺生偉人溫中穆外履夷蹈素

皇明麗天奮躍自下在

帝左右秉恭與誠掌 帝之制播告四方進貳天官遂職冢宰簡用俊良往與至理

帝命游隆俾輔 聖儲陳厥謀謨 聖罔弗俞四紀在廷三翼升御肅肅師臣秉王之度一念惟仁永矢不渝寅畏小心保終猶初陰利逮人人則罔覺惟



帝昭明褒詔有數嗚呼忠定維國老成曷不勅遣翼我  
聖明生榮死哀死且不朽昭德刊辭永告爾後

故少師工部尚書兼謹身殿大學士贈特進光祿大  
夫左柱國太師謚文敏楊公墓誌銘

正統五年二月十八日少師工部尚書兼謹身殿大學士建  
安楊公奉 勅歸展先墓既畢事卜日啓行病作衆曰曷俟  
少間公曰 君命不敢稽也挾醫以行至臨安武林驛病加  
遂不起是年七月二十也守臣治棺斂既馳奏

皇上嗟悼輟視朝一日贈特進光祿大夫左柱國太師謚  
文敏遣禮部尚書胡濙往祭遣中使護喪還葬其鄉 命在  
司治墳公先世見余譔其大父墓碑會大父伯遜大父達卿  
父伯成皆贈榮祿大夫少傅工部尚書兼謹身殿大學士

太母黃大母謝繼阮母劉皆贈夫人公初名子榮字勉仁身  
學諸生鄉試選第一會試第三廷對擢第二甲賜進士出身  
入翰林爲編修

太宗皇帝入正大統更其名榮初建內閣簡翰林之臣七人  
其中專典密務七人者解縉胡廣王淮胡儼金幼孜公及士  
奇也公齒最少最警敏一日晚

上出右順門召內閣諸臣獨公一人在出江西三司奏章示  
之言吉安鄉民之嘯聚者已悉復業蓋 朝廷初有聞卽遣

行人許子謨齎 敕撫諭子謨行將一月又遣都督韓觀率  
兵繼之如撫諭不下卽加兵及是奏至

上諭公曰觀不至不下其降敕褒觀公讀奏訖對曰計發奏  
之日觀尚在中道未足褒從之自是益重公時四方之事方



殷七人者旦夕侍左右承顧問受旨退治職務且兼稽古纂述之事不虛寸晷

上時步至閣中親閱其勞且視其所治咸稱 旨時公尤勤勵遂皆進官公進修譔數月復進侍講明年改元永樂秋公請告歸省又明年春七人皆 賜二品金織衣且勞之曰天下事咸朕與若等同計非若六卿之分理也無幾簡翰林之臣十數人兼春坊官任輔導公兼右春坊諭德授奉訓大夫日分直進講經史四年春公得寒疾 命中官以御醫來視賜藥物五年奉 命往甘肅同總兵議邊務察視守備還奏稱 旨六年夏喪父給傳歸既葬遂 命起復是年冬喪母公奏歸守制時已下 詔巡守北京不許七年春內閣胡公及公金公奉 命扈從北京甘肅總兵何福奏降虜脫脫不

花等率部來歸 命公往同福處置還奏

上悅遂奉命持節往亦集乃之地封福為寧遠侯八年春

車駕北征本雅失里公三人仍扈從至驢駒河 命公先齎

救還報 皇太子復還北京冬扈從還南京九年春奏奔母喪遣中使護送既還

皇太子命公侍諸 皇孫學且命公曰嚴則有成公盡心不怠重修

高皇帝實錄命胡廣胡儼黃淮及公為總裁十年二月賜誥命并追贈父母妻冬甘肅守帥西寧侯宋琥奏叛寇老的罕逃居赤斤蒙古衛將為邊患時豐城侯李彬鎮陝西遂救彬率師勦之且 命公往與彬計度十二月還奏餉道險



阻今泣寒人疲馬瘠不可行且小醜不足以煩王師遂  
救彬旋師無幾叛者復歸十一年春從狩北京十二年三月  
從征瓦剌時 皇長孫侍行

上命胡金及公三人凡行營有暇卽與講析理義開其聰明  
尚寶司官闕命公兼之既還 敕翰林修性理五經四書大  
全公三人皆爲總裁十四年陞翰林學士仍兼庶子扈從南  
歸十五年春復扈從巡北京十六年夏進

高廟嘗饗賜宴賚胡公沒公掌翰林院事益見親密一時廷  
臣狎恩多縱忌公抗直發其私適太學闕祭酒衆共舉公實  
欲踈之

上不聽公遂密言十弊指斥五府六部都察院章留中不下  
十七年進文淵閣大學士仍兼翰林學士授奉政大夫廿八

年扈從北征秋還京冬將 西征親藩奏建文中江西所壞  
民兵可徵用出奏示公公對云 陛下命復民業二十年矣  
今復徵非信

上曰朕意固如此遂寢三 殿災公偕金公陳便宜十數事皆  
見施行重賢愛民或陷非 辜必援之尚書夏原吉以兵饟不  
給坐繫呂震言其柔姦侍 讀李時勉嘗論事亦有言其賣直  
者皆歎

上怒公悉委曲爲之辯解二十一年秋復扈從西征駐蹕萬  
全一切軍務悉付公掌寧 陽侯陳懋奏番王也先士干來歸  
命公往議定降歸奏稱 旨廿二年復從北征中道軍餉不

繼 上聞之命公與金公總計其數遂如二公言遣使諭虜釋其



弗臣之罪下令班師浙江三司奏處州之麗水福建之政和山寇劫掠請 敕兩都司合兵討之公言愚民為有司所苦出不得已兵出即良民先被害願遣一 敕使撫諭之不足煩兵

上從之卒如公言無事一日

上從容坐帳殿諭公二人曰東宮監國久熟政務此歸悉付以天下事吾惟優游莫年二公共對曰

皇太子孝友仁厚天下屬心允稱

陛下付託

上悅師次榆水川

上不豫既上賓止沐浴襲 奠飯含棺歛一切之禮悉由二公推公先馳歸報既至一向尚書蹇公等議喪禮

禮

仁宗皇帝嗣位進公太常寺卿授嘉議大夫仍兼兩職學士逾月進太子少傅授資善大夫兼謹身殿大學士山陵事殿太監孟繼極言公盡心喪事

上嘉歎即陞公工部尚書仍兼前二職賜 敕褒諭三俸俱

支尚書一俸全給米洪熙元年 賜誥贈三代考妣無幾

上命範白金為方寸印四枚其文曰繩愆糾繆以賜師傅公與金公同受其一皆期之直言匡輔修

文皇帝實錄公預總裁

仁廟上賓時

皇太子監國南京遺詔看嗣位公率迎於德州既還命公同有司相陵地



宣宗皇帝嗣位修

勸仁廟實錄仍預總裁高麗友在廷多懷二心惟文臣三四人

上親征公其首也遂扈從討平之師還特受駢蕃之賜馬騏  
激變交趾黎利聚眾抗王師總帥孱弱不支輒與利和且為  
利請立陳氏後遂以師還秦至

上以示文武大臣皆勸發兵擊利

上不聽竟偃兵息民公預力焉是年八月 車駕巡邊至遵  
化聞虜逼塞下以道陞師難竝進

上率鐵騎數千先馳擊之文臣獨公從既還陞少傅進榮祿  
大夫仍兼尚書大學士三俸俱支辭大學士俸進

兩朝實錄賜宴資又乳白金為圖書刻方直剛正四字以

賜公數月

上念先朝老臣蹇義等四人皆春秋高竝 賜敕褒諭命

輟職務朝夕左右侍論議公預焉 賜玉帶加有 御製詩

畫之賜公滿三載吏部以聞賜 敕有忠言謹論裨益為多

之褒賜宴禮部遂賜少傅誥進封三代後兩扈從巡邊皆至

洗馬林而還

宣廟上賓公復偕有司相陵地

皇上嗣位公與同官三人協志合力以効裨益賜資特厚修

宣廟實錄皆為總裁書成進公光祿大夫柱國少師兼尚書

大學士如故賜玉帶時

上日勤聖學命公同知經筵事五年謁告省墓賜 敕褒諭

加厚資給傳遣中官護送既還京道薨春秋七十公仕於朝



四十年皆居清密考鄉試者一讀廷試卷九為人閨疏果毅  
遇事當為奮前不疑於論古人必欲出新見不肯苟同議碎  
率歸寬恕勤職事盛寒暑及小疾未嘗少怠於四方裔邊徼  
事及邊將勇怯智愚靡不通知故忖量事勢率預中內篤孝  
友睦嫻之行家故豐裕且有厚祿能濟窮恤患無間踈戚喜  
賓客善交際雖貴盛無崖岸貴賤小大皆歸心焉故聞其沒  
也咸有嗟咨悼惜之意所著文章有默菴集雲山小藁靜軒  
藁退思集北征記訓子編藏于家元配劉贈夫人繼劉封夫  
人皆里處士仲穆之女子男六恭讓錫賜貴芳貴通女七兵  
部主事雷潛詹鑣陳順德蘇潤其壻也餘在室孫男十二泰  
儼倫俊儉佶倣佐宗偉佻儀女七曾孫女二皆在室士奇與  
公同僚三十有九年同事

四聖今內閣舊臣惟吾兩人未能退公又溘先余逝公之  
其子屬少保楊公書墓上之石余銘諸幽嗚呼凡今能文士  
大夫感公之德述公之行雖有之矣若交之以知之深言之  
信者余兩人其庶幾可無愧也銘曰

桓桓文敏通才博識遭際

聖明光奮于績承明延閣著作之庭以翱以翔舒華振英北  
裔西陸從狩萬里職典著文亦兼知武羌虜腦臆帥坦弱強  
重瞳屢顧敷奏惟明晚陟三孤貳公弘化恪恭朝夕敢或違

暇

帝懷敷仁鞠躬承之民懷被福黽勉成之志存寬惠行在果  
斷嘉謀讜議褒書有煥予告南旋曾幾何時上下延佇而計  
奄來越昔內閣七人同事荏苒三紀我銘其四公壽考終哀



榮寵光於乎文敏歿也不亡

皇明文衡卷之八十六

皇明文衡卷之八十七

墓誌銘

故工部營繕司主事劉君墓誌銘

楊士奇

永樂二十二年工部營繕清吏司主事劉季篋卒於官其孤  
紳寅奉事狀介吏部郎中陳叔剛請為幽堂之銘將歸葬焉  
君為刑部侍郎時嘗監修永樂大典于文淵閣與予常相聚  
有知契故不得辭按狀劉氏其先汴人宋建炎初其官其扈  
從南渡遂官餘姚其子孫業儒亦代有仕者至諱某為丹陽  
書院山長嘗考浙江鄉試其祖也諱某為慈谿縣儒學教諭  
門人私謚中肅先生其父也母張氏君諱韶字季篋以字行  
自幼端靜喜學問為父母所愛既承其家訓長而進學鄉先  
生宋玄僖王子孟暘之明刻苦自勵二先生咸器重之登洪武



甲戌進士第授行人司行人時重行人之選非進士不授凡  
方嶽大臣率出此君爲之一以所學不肯苟嘗持節使雲南  
四川朝鮮所至宣上德達民隱餽一毫無所受事聞  
賜鈔襲衣丁丑陞陝西布政司左叅政先是陝有逋賦民積  
歲不能輸有司峻刑督之君至慨然曰民困故不能輸爲之  
父母又忍峻刑督之耶與其察謀分行郡縣解其繫緩其期  
勞來綏輯而從容勸誘焉民皆感激思奮曰是赤子矜念我  
我可不戮力以累仁人奔走假貸以輸無幾畢完陝不產礪  
砂而歲有課額民窘不能償至或償其家者君爲奏罷之洪  
渠水溢爲民患躬行視之爲設法治堰民賴以安蓋凡可以  
利民者率盡心焉華有郭子儀祠已壞過之嘆曰此崇德教  
民之務何可忽督令丞脩葺之凡所過祠宇有關風化而壞

者必風郡縣葺理之其達政體槩類此在陝四年可書之績  
尚多被 召爲刑部左侍郎充懇懇重民命平反具獄數事  
陝平民王某爲強盜所引逮至而所引者已伏法不能自白  
君察其冤召所引者之妻子使識之而聽其詞竟得實王免  
於誣有典守錢穀而虧允者旣被逮則援引千餘人同罪君  
廉知其誣卒辨所誣引者釋之河陽逆旅夜有朱趙二人異  
室而宿朱怨家後追至殺之而誤中趙朱實不知天未明行  
十數里逆旅主人疑朱殺之追執送官鞫訊考掠朱不勝遂  
誣服不敢求辨君獨曰是偶邂逅相聚非素有負且計其裝  
非有圖也特緩其獄遣人密察之無幾有司竟得殺趙者而  
朱以緩獄不死揚州民胡氏夜有賊入其室殺人而遺刀屍  
傍旦視之柄有隣家蘇氏私識官捕鞫蘇蘇曰家失此刀久



矣不服既備極諸刑竟誣服君潛使人懷刀往察其隣一童子識之曰我家物也遂得賊而釋蘇蓋其理刑一以求生爲務亦樂乙酉

朝廷廣召文儒纂脩大典 命太子少師姚廣孝禮部尚書鄭賜監修而擇六卿之貳有文學者一人爲之副遂以命君討論裁處人多服之書成受厚賜庚寅坐失出罪人左遷兩淮鹽運副使未行復留丁酉改工部營繕主事躬勤治職未嘗以崇卑爲意壬寅得痺疾明年正月某日卒享年六十有一君爲人清素雖歷顯要而泊然自持居家教孝友之行接人有謙讓之節雍容雅度有犯不校閒暇手不釋卷治經長於春秋喜吟詠冲澹優柔有陶靖節韋刺史之趣所著文集若干卷藏于家娶潘氏子男四紳寅辰復辰中永樂庚

子順天府鄉試先君一年卒女二長適安遠縣學訓導趙仿次尚幼君之墓以洪熙元年正月八日其墓在其邑其鄉先隴玉燭之原銘曰

學有以用於世才有以達其志得失無所怍乎內勤銘其藏垂休永代

太子少保禮部尚書兼武英殿大學士贈榮祿大夫少保謚文靖公墓誌銘

太子少保禮部尚書兼武英殿大學士金公以宣德六年十二月十六日卒訃聞

上嗟悼甚至贈榮祿大夫少保謚文靖 命禮部尚書胡濙賜祭又 命自喪至祥禫皆遣官祭 敕有司治喪葬百需所以褒寵之厚且備矣公諱善字幼孜以字行其先世見余



所作其考雪崖先生神道之碑公自幼嗜學問內承家訓之篤長從前進士聶鉉先生受春秋經得其微旨中進士乙科授戶科給事中

太宗皇帝初臨御注意文學士改翰林檢討居無幾簡翰林之臣七人處之內閣付以密務而兩制悉歸焉七人者廬陵解大紳胡光大永嘉黃宗豫南昌胡若思建安楊勉仁公與士奇也數月皆陞官公爲侍講授承德郎

仁宗皇帝在東宮時翰林春坊司經局之臣日講經史公專說春秋敷析簡明 睿旨稱善遂命纂十二公事作春秋要旨三卷以進永樂二年陞右春坊右諭德仍兼侍講授奉訓大夫七年

車駕巡狩北京公光大勉仁同扈從八年扈從北征冬還

南京陞奉直大夫十年 賜誥命贈其考守正爲右春坊右

諭德母陳爲宜人封母羅爲太宜人贈妻孔爲宜人十一年

扈從巡北京從征北虜十二年復從北征陞翰林學士仍兼

諭德修五經四書性理大全爲總裁官授奉議大夫十四年

還南京明年扈巡北京預修

太祖皇帝實錄十八年陞文淵閣大學士仍兼翰林學士二

十年扈從北征二十二年復從征北旣旋師中道

宮車晏駕初喪至歛皆勉仁與公據禮行之旣而勉仁先馳

歸報道中之儀皆咨公而行

仁廟嗣位進戶部右侍郎仍兼文淵閣大學士翰林學士踰

月陞 太子少保兼武英殿大學士專典內制賜大臣五人

銀圖書其文曰繩愆糾繆蓋以庄直勉之公其一也奉



命持節冊封趙王妃及封梁王洪熙改元

命兼禮部尚書三俸竝支大臣兼三俸者惟勉仁與公兩人  
賜誥命授資善大夫贈其祖仲卿及父皆太子少保武英殿  
大學士祖母周母陳皆夫人進封母羅太夫人贈故妻劉封  
繼室屠皆夫人以法司論死罪多冤抑一命自合臨決必會  
大學士三人同審而公預焉 詔百官有親違離三年以上  
者聽給告歸省公首奏歸省母蓋前此百司職務填委無敢  
言私至是公首奉 詔賜資甚厚是歲丁太夫人憂

上嗣位詔修

兩朝實錄起公為總裁官明年奉 命持節之寧夏冊封安

定真寧二王妃歷河南關東西之境弔覽周秦漢唐以來遺  
址悉見賦詠所過兵民休戚既還具言於

上實錄成賜金織襲木文綺白金鞍馬是歲扈從巡邊至宣  
府而還歲餘得疾

上遣大醫院官視療數月竟不起春秋六十有四公為人簡  
易沈默溫裕有容居家敦孝友之行既仕事

上以誠持論必正扈從北征時道中士卒有憊者

太宗皇帝知之以問羣臣羣臣未有對公直對宜遂班師凡  
於公務致勤不倦處同僚能讓人况愛無忤其學該博文  
章和平寬厚類其德性四方求者無虛日靡不酬應得其一  
篇一詠者皆寶重之書兼工真行嘗考會試者一讀廷試卷  
者四不伐善不驚名初陞學士寵賚日加即以盛滿為戒名  
其燕處之居曰退菴疾革士奇與勉仁問之有何言公言受  
國重恩上無所益 朝廷下無所益生民何言傍或啓之請



身後之澤者公正色曰君子所耻訖終清明未嘗片語涉亂  
既卒自公侯六卿暨諸司之長皆哭弔奠祭士無賢愚皆有  
喪善人之嘆嗚呼儒者際遇始終光榮如公一世其幾何人  
公之所存蓋無忝矣子男五長昭伯宣德二年進士次武伯  
堅伯文伯壽伯女五皆有歸孫男六女三公葬以卒之明年  
某月日墓在某縣某鄉某原銘曰

玉筍崔巍金川湛澄公生其間萃蘇挺英宿興賢能濟濟皆  
至青萍出匣萍礪初試六御乘時登庸玉署清邃崇嚴參典  
密務恪勤夙夕小心宙恭于狩于征龍旂率從  
上承簡知履坦平平鷗游滄溟鵬翔九天歷事

聖敬終猶始不競不絀有譽無毀方簡大用 天府所藏  
厚碣敷在四方謙退之存易簣不貳嗚呼文靖可武有

位

國子司業張公墓誌銘

楊榮

永樂丙戌秋七月三日國子司業張先生以疾卒于太學之  
官舍京師士大夫與夫六館諸生皆相與哭之盡哀既奉匱  
南還卜以其年某月某日葬某鄉某山之原國子學正順昌  
黃立為述先生之行徵予銘之予生也晚忝以科目入京師  
濫官翰林辱先生折輩行相契厚今先生歿矣烏可無銘文  
以告後世遂弗獲辭按狀先生諱智字玄畧姓張氏其先為  
延平之順昌人曾祖某隱德弗耀祖元贈滄州路平陽州判  
官父昇元以神童薦補太學授秘書郎五轉而為江西儒學  
提舉母范氏周氏生母陸氏先生以元統乙亥某日某日生  
自幼有大志聰明穎悟讀書過目成誦羣兒為嬉戲之事必



正色端謹如老成人稍長卽能勵志於問學嘗慨然曰采玉必於崑山探珠必於滄海士之爲學豈不出戶庭終日窺蠹測所能至哉卽日挾策入元都交當世之名士用薦補入國學元之季四方兵興先生以才出叅閩省機務省臣承制授先生同知新喻州事已而知之不可爲浩然退歸國朝初定天下先生卽建陽之崇化里灑掃一室置古今書籍其中窮搜博覽沛然有得於心鄉黨爭企慕之洪武戊午以明經應薦上吏部授夷陵州學正凡九載以內艱歸旣服除入覲

太祖高皇帝方任賢圖治知先生才可用遂超拜禮部試左侍郎卽首言宜以書籍頒布北方學校議者以費計尙不便先生正色曰使賢才彙征利益生已以何惜此費衆大軫心未幾實

授右侍郎其在職能秉禮不遷綱紀秩然人莫不敬服之履二歲以事左遷爲國子學錄尋陞博士後遂擢司業先生能誘掖獎勸以誨諸生故鮮弗底于造就其教人一本於道德仁義之說孜孜焉開導後進老而弗衰一時學者莫不師宗之未樂初

今上幸學衆推先生講易特蒙 寵異賜予甚厚至是卒享年七十有二初娶魏氏繼室某氏子男二人長時早夭次取孫男若干人曰某曰某榮於先生同里少時已聞先生名心竊仰慕暨官京師得朝夕從先生杖履之末以聆緒論私以爲幸孰謂先生奄然永逝而竟弗得以終惠教嗚呼可勝惜哉然先生之文章事業不可以無述也謹撰爲銘文一通以納諸墓庶後之人有攷焉銘曰



猗嗟先生早馳駿聲蒐羅百家學需以盈元政不綱才弗大顯

聖朝肇化齋志斯奮靈仕夷陵允為範模諸生雲從濟濟文儒爰貳春官

帝心簡在謹論嘉猶國史具載晚教成均為學者師六館化之時雨是資書林之原卜此窳窳過者式之先生之德

詹事府少詹事兼翰林院侍讀學士贈嘉議大夫禮部左侍郎曾公墓誌銘

宣德七年春正月辛巳詹事府少詹事兼翰林侍讀學士曾公卒于北京之官舍予與少傅楊公往哭之士大夫皆往會

哭翊日子二人以聞皇上悼歎即命禮部賜祭贈嘉議大夫禮部左侍郎

命工部治墳塋兵部給舟舫其喪將行其季子种謁予拜且泣曰种父未卒前二日屬壘有坊庶子周公狀其事行命种請

墓銘於先生先生幸賜之以慰先人於地下予聞而益悲念與公交好三十年而今已矣奚可辭銘公諱榮字子啓吉之

永豐人其先世出自武城西漢末成國十四代孫諱據者避王莽之乱率族人南遷散居南豐廬陵諸郡至宋兵部侍郎

江西湖廣安撫使贈武成伯諱晞顏者公之高祖也元翰林直學士諱德裕者公之伯祖也翰林編修知制誥諱巽申者

公之祖也考諱叔本妣張氏公幼穎敏端重言笑不易五歲盡識象戲字七歲從學伯父兩舉十五以其所學訓族人子

弟十七出教新淦胡氏塾已有名時儒者鄒仲熙鄒幼亨輩皆忘年與之交二十充邑庠生教諭戴正心文學老成尤重



公既作詩勵之復為龍說期其大用永樂元年中江西鄉試  
明年禮部會試中選者四百七十人公在第八庭試遂中第  
一 賜進士及第

太宗皇帝奇其才 親批所對策褒美之 賜冠帶朝服授  
翰林修撰承務郎未幾 詔選進士二十八人俾進學文淵  
閣公為之首

上嘗召問典故公奏對如響每應 制詩文皆立就由是深  
沐 寵眷纂修永樂大典 命為副總裁授儒林郎五年陞  
侍講授承直郎丁內艱

大駕巡狩北京起復扈從同邑有坐奸黨事逮公者人以為  
危

太宗特原之謂曰朕惜爾才也公所居西長安門外家人不

戒火延及禁垣

上亦以公故置不問嘗與諸才俊賦天馬海青歌於

上前公獨先成詞氣豪宕

太宗深加歎賞陞承德郎滿陞侍讀學士與修

太祖高皇帝實錄書成重沐 賜資丁父憂復起就職

仁宗皇帝嗣位

皇上正位儲宮陞右春坊大學士仍兼侍讀學士授奉議大  
夫 賜詰命贈其父為奉議大夫左春坊大學士兼翰林侍  
讀學士母為宜人洪熙初元侍

皇上監國南京宣德改元與修

兩朝實錄書成 賜金織襲衣白金文綺進詹事府少詹事

賜寶帶日直文淵閣歲時屢拜 御酒珍饌白金鈔幣之賜



恩意隆洽一日趨朝以欬遽引退

上遙見之詔免朝叅公益敬慎弗懈踰年疾復作  
上亟命醫往治公知不可起自為贊遺相知者訣別遂卒公  
生洪武壬子八月戊戌享年六十有一既卒公侯六卿以下  
皆往哭奠而士林君子咸共悼惜以為斯人不可復得矣其  
配鍾氏有賢行封宜人子男三長桓先卒次稷次种女五劉  
敦會鍾公鉉周秀夫胡顛勉高欽夫其壻也公姿貌魁偉襟  
度夷曠孝友忠實出乎天性而才氣志行尤超卓不羣兩京  
鄉試禮部會試屢典文衡去取率公平素獎勵後進以為已  
務宗端鄉邨有急難靡不用情善飲酒與賓朋觴詠談笑傾  
倒意豁如也為文章才思滂沛頃刻千百言不待思索工書  
而草書尤精得晉人風致四方慕而來之者足相躡其門至

於商確古今講論政治無不切當其葬以其年某月某日其  
墓在某山之原銘曰

偉哉曾公卓犖瑰奇少處鄉邑才已不羈求樂初科首  
賜及第玉質金聲為國令器居官翰苑克慎克勤文行之懿  
遠近著聞歷事

三朝竭心贊翊寵眷殊深屢進清職弗究厥施遂止於斯  
恩命之隆生榮死哀惟茲鄉邑山盤水遶銘諸其藏千古有  
耀

故給事中李君墓誌銘

楊溥

洪熙紀元之初詔廣言路以來天下之善而漢中府學訓  
導李君蕃上端本十六策  
朝廷嘉納之驛召至京授行在兵科給事中九載考績稱



最將陞秩而君以疾卒于官聞者咸惜之弟蔚請翰林編修  
江淵狀君家世歷履行義卒塋請予銘予嘗識君不可辭乃  
敘而銘之君字秀實唐涼國公勳之後某世祖自洮州臨潭  
徙于荆五世祖細元季徙蜀之富順祖允中復徙內江父季  
賓以鄉貢進士任訓導陞教諭歷七邑所至能教人君生長  
宦所自幼警敏異常兒旣長力究羣經中鄉試會試中副榜  
遂領教職以上疏論事陞行在兵科給事中授徵事郎其  
爲教官以師道自勉爲給事中克舉其職命視關外城壘  
還陳備邊策清理軍政於河南人稱公平還獻安養軍民十  
餘事所至采軍民利病以聞每念二親不就養請分俸給之  
朝廷宴賜或有嘉味美醢綵幣謹封識奉其親一及得推  
恩於父母乃請告歸省賜楮幣爲道里資其處內外親姻

皆有思意姑二人早

迎養于家撫其子成底成立朋友

鄉尚以善相與卹困窮化橫逆皆可稱道家食時置夷僕一  
人蓋嘗盜其齒長馬者及事覺酋長求僕殺之以三人易僕  
君竟不與素甘澹薄言不及產業撰家範一編教戒子孫所  
著詩文有鳴佩集藏于家壽止三十七卒以宣德甲寅春二  
月二十四日季賓封如其官母陳氏封太孺人配黃氏封孺  
人子男四人曰吉安曰某女一人在室正統元年冬十二月  
二十一日葬其邑青岡原銘曰  
駟馬高車萬里長途中道而仆其命也夫其命也夫



二十一日... 人子異曰曰吉安曰其文一人... 月二十四日... 著... 竟不... 入... 敬... 皆... 意... 二... 早... 既... 子... 文...

皇明文衡卷之八十八

墓誌銘

北京行太僕寺卿兼苑馬寺卿楊公墓誌銘

胡

公諱砥字大用姓楊氏世居澤州之南村曾大父誥大父禎父伯新皆居鄉里為善士公自幼秀穎與羣兒處必習禮讓進退容止若成人長老見多異之年十歲入州學為生徒即知務學既長學益懋遂充貢為太學生洪武甲戌登進士第擢授大行人副管上疏言孔廟從祀宜退楊雄進董仲舒有功名教踰三載陞湖廣布政司左叅議舉賢能恤鰥寡去貪暴吏民懷服歲庚辰以言事謫居遼陽及上龍飛特起授鴻臚寺卿時父已喪乞終制歸廬墓側日夕



哀慟人不忍聞永樂二年起復為禮部左侍郎後以巡視河道坐失職降工部營繕主事又調禮部主客主事八年春扈從北征典功賞有勞勩十年二月受命詣北京簡閱馬騎還遂授行太僕寺卿明年又兼苑馬寺卿而公於馬政竭心盡職往來畿甸之間監牧攻駒馬大蕃息至於有司政令之得失民情休戚之所關知無不言由是寵任益隆十五年十一月丁母夫人司氏憂護喪歸葬特蒙恩賜鈔千錠道塗給力役行次澤州之黃華里去家近一舍以悲哀匍匐得疾寓于勝因寺明年正月己巳竟卒享年五十有四訃聞上悼惜之遣官諭祭三月庚申葬于州城之東南村之原祔先塋也配焦氏子男二人長璞次璜女一人適李貴銘曰惟楊氏出自晉始伯僑衍厥胤歷秦漢微復盛炳公卿襲華

慶迄于今世晉城宵雖遙系乃明公誕生揚休聲著政績流德馨澤之東南村岡浮山鬱龍門蒼珏峯秀丹水長宅茲幽公之藏百千祀永不忘

嘉議大夫北京行部左侍郎劉公墓誌銘

北京行部左侍郎劉公既卒其孤徵以予與公故乃寓書奉狀來求墓銘按狀公諱辰字伯靜姓劉氏其先沛人後徙鄞遷婺之金華則自公之曾祖三顧始也三顧仕元為明台上萬戶府經歷幼鞠于舅王氏遂因其姓故公之祖文璜父志皆姓王氏至公復姓劉公慷慨負氣節喜立功業以表見于世初

王師親下婺州公首上謁署為典籤奉命使方谷珍谷珍令左右飾二姬以進公峻却之其人慚而退浙江左丞李文忠



開省于嚴辟公置幕下以資贊畫時元帥葛俊守廣信當祁  
寒集丁夫浚城濠民苦之欲為變文忠止之才聽遂怒欲臨  
以兵公請往諭以大義俊卽悔悟謝文忠意乃釋旣而授監  
辦金華茶鹽官秩滿課最以親老歸養教授鄉閭嘗道遇故  
人李惟中死於逆旅具棺斂瘞之任吳母喪不舉遺金葬之  
未幾二親繼歿執喪哀毀不勝衣所居室廬僅蔽風雨饘粥  
或不繼處之裕如也里人劉十八懷金入城遇二卒圖其金  
與飲醉之扶行水次欲加害公見力解之獲免後以懷不抱  
德起為湖廣道監察御史臨江同知陳斌受賕及銀工盜金  
皆坐死公為辯之得減死論居二年以謬謗聞擢知鎮江府  
興廢舉墜勤於其政聞宋宗忠簡公墓在丹徒荒穢募田據  
於民卽加封樹復其田命墓傍寺僧收田之入以主其祀丹

陽道接句容細民任負載者往往因日暮行劫行旅患之公  
嚴爲禁盜遂息郡有瀕江田八十餘頃歲久淪沒仍責賦於  
民公請于 朝除之京口閘廢舟楫不通東南漕運者轉新  
河江陰二港以出江多爲風濤阻溺公乃自京口至呂城百  
二十里去淤塞甃石作壩修閘門順水勢之出入於是公私  
便之然漕河源淺易涸每仰練湖以益水湖有三斗門亦廢  
公又修築之三斗門成漕運之舟旣通湖下之田益稔時浙  
河轉輸之民道其境上死者爲收瘞疾者給米命以小舟送  
出境賴以活者數百人永樂元年夏六月以預修

國史知故實 賜白金文綺襲衣陞江西布政司左叅政至  
則以久雨江水汎溢九江諸郡瀕江之田皆澇饑民爲盜富  
室多罹其害公卽檄郡邑勸富民出粟以貸饑者蠲其役以



當其息官爲立券約明年償本粟由是富者樂從饑者得食  
南安贛州等九府荒田糧六萬餘石有司歲抑取於民民不  
堪公以聞悉蠲其額後以同官坐事相連免歸永樂六年秋  
命下復起爲北京行部左侍郎出 特恩也公以老不任政  
日被 顧問留京師者三年乃 賜敕書文綺鈔錠致仕歸  
踰年復驛召至京 命督工武當未行疾作又賜鈔錠遣官  
督醫給驛舟送還至常州毗陵驛遂卒實永樂十年七月二  
十三日春秋七十有八孫祚奉柩歸塋文星門下閣塘先塋  
之次是年冬十二月九日也娶陸氏董氏董氏元中書叅政  
嘉訥女前四年卒陸氏有婦道子男二人微觀觀蚤世女二  
人長適東陽施信厚東川軍民府經歷次適徐叔紹皆陸氏  
出也孫三人祚祺禧女一在室予與公舊同史館知公爲人

直諒多聞而公亦以此自信有古節士風可尚已銘曰  
不撓不汙而端其趨不激不隨而安以居 恩榮始終而善  
不虛嗚呼來祀欲知其人視此刻碣

### 王希範墓誌銘

永樂十八年三月辛未禮部儀制主事王希範卒予旣弔哭  
遂其孤錫持狀來乞銘將歸塋納墓中以詒諸後予與希範  
求樂初同被選擢入翰林又同日拜

恩命爲檢討時希範年甚少氣甚銳學通而才敏於人少許  
可獨以余齒少長頗推讓相與幾二十年始終如一日今已  
矣銘不可辭按狀希範諱洪曾祖德甫祖善父輝世居錢唐  
希範生八歲卽知務學及冠入郡庠從訓導胡粹中授春秋  
日記數千言無遺忘下筆爲文辭沛然有奇氣率所事所言



若老成人粹中大器之年十八舉進士任行人將命關陝得使職人賢之未幾陞吏科給事中遂爲檢討修大典爲副總裁滿考陞修撰又陞侍講三以大比典文衡取士甚公職侍講踰二年遷今官適尚書呂公巡行關陝凡部事悉委希範敷奏論事詳明同列敬服

朝廷方屬意希範而希範竟邁末疾以卒享年四十有一其疾也得 賜藥物其卒也又得 賜棺且給舟載歸

恩意隆至人莫及也初娶俞氏生子二人長卽錫次欽繼室劉氏前浙江按察僉事必策之女生女一人寧奴希範之學月開日益淳蓄深博其爲文章務漸滌刮劇以期至於古人而遽止於斯悲夫將以年月日葬某處銘曰  
昏哲強弱才也窮達壽夭也脩身俟命人也君子修其在

已俟命於天而已希範勤一世以脩諸已而卒不旌其命也夫其命也夫

前秦和州知州顧侯光遠墓誌銘

梁潛

秦和始爲州其民之衆亂久而後定治之尤難而

國朝初相繼爲之守者得二人焉曰吳侯去疾顧侯光遠也二侯皆一時豪士顧氏先世居河南自宋高宗南渡始徙而南居姑蘇之嘉定元末有知侯之材者辟爲掾京口及

太祖高皇帝下江南京口首納款侯預有力其間遂從

高皇帝入金陵監大軍倉支納三年授江西行省理問從征陳友諒督饋運明年平陳氏擢知龍陽州時方甲辰年也招附懷來剷革宿弊民賴以息越二年改知秦和州龍陽老穉至號泣於道不忍侯之去至秦和前州守卽吳侯也吳侯以



民好訟告於侯侯憮然曰民有冤抑守弗爲之理民將安訴  
頃之訟者雨集侯乃自爲書榜聯紙長數丈誨諭諄切民爭  
來觀觀已去不訟者十二侯又俾凡訟者居譙門上思三日  
然後得訴思不三日去不訟者過半矣乃擇吏純謹者一人  
置簿受訟詞而勾讐其始末民誠負冤也輒爲疏理非誠負  
冤願誨自止者聽不問未兩月民不復訟吏亦畏侯精敏無  
敢舞文以病民境有虎適其時禁民私蓄兵民無所措訴于  
侯侯爲草檄告之神虎一夕遁去州以大治以丁祖母憂赴  
闕陛辭 命留翰林院同議編大明律律成上進復

命監造天下均工圖籍已而還服喪嘉定未幾起後授廣西  
省郎中二年 召拜 吳王府副相留京師以他事註  
繫間得疾飲水病結曾而卒臨卒爲詩壁間以嘔道其

平生有白髮婦朝之嘆聞者悲之子存誠殯于都南門外三  
里店侯諱某生元某年某月某日歿今洪武某年某月某日  
娶某氏子四人長即存誠次存仁爲河南偃師縣令以歿次  
存義存信存誠今居嘉定存義存信從侯于廣遂留家焉侯  
性澹泊不尚侈靡所居解宇室無長物惟藝蔬數畦食取充  
口衣取蔽體而已至於治民事無巨細必盡其心在廣之日  
別廉吏均轉輸浚城隍撫馴士馬安戢逋逃號令既明而賞  
罰必信遠邇翕然及聞其歿爭欲爲祠立石以頌其德者屬  
有禁不可乃止侯嘗從元進士楊仲宏先生學賦詩氣豪才  
贍而律調渾厚尤工七言晚自號蔗境翁詩數卷題曰蔗境  
吟藁云於乎侯當草昧之初能卓然諭知天命攀附  
聖主以自樹立可謂壯偉矣而用未臻其極功業不究於當



時獨其善政在民者民不忘也瓊州守王君伯貞往來廣海  
間得侯二子訪之又素知侯之惠愛不忍其泯也為序其事  
以屬潛為之銘潛與王君皆泰和人也乃著其事之大槩吳  
侯安慶人為殿中侍御史以歿其後無聞焉銘曰  
民歷草竊窮奸偷及茲弭寧誇相讐言大吞小噬病曷瘳正躬  
惠民邦兩侯後先敷政何優游隱絀舒伸暴帖柔回適海沮  
嗟相羞嗟哉我侯古罕儔衣被 寵光壯謀猷澤流盈溢爵  
未優身永逝矣名無休

襄城伯李公墓誌銘

王直

正統十二年十月廿五日襄城伯李公薨于位年五十五  
上聞震悼為罷朝一日 命禮部致祭工部為治墳塋供葬  
事公侯卿大夫士皆奔走弔哭凡諸將士嘗隸麾下者皆相

與會哭盡哀蓋公喜讀書明道理文謨武畧靡不究知其事  
君也忠其侍下也仁其制事也義其存心也怒是以上下痛  
惜之如此公諱隆字惠平其先和州人祖旺生有奇材  
太祖皇帝龍興之日常從征伐立戰功累官至燕山左衛副  
千戶父濬又以軍功累至都指揮同知從  
太宗皇帝靖難功多授奉天翊衛宣力武臣特進榮祿大夫  
柱國襄城伯食祿一千石又以其爵封三代祖考妣及配皆  
夫人公其長子也年十五襲爵雖甚少而負英偉之資雄傑  
之材

上深器重之永樂庚寅以來每六師北伐輒 命公領兵從  
其應機發策出奇取勝雖老於行陣者亦多讓其能  
上益奇之以為可大用丙申 車駕留北京顧南京根本地



擇可任留守者莫如公遂命焉甲辰

仁宗皇帝即位重北邊守備暫輟公南京 命總兵鎮山海  
凡東北邊關皆節制蓋隱若一長城虜為之震懾未幾復還  
公南京洪熙乙巳

宣宗皇帝即位眷念公甚厚而倚賴益隆有白金文綺之  
賜公祇敬將事夙夜盡心蓋未嘗有間

今上在東宮時知公忠勤宣德乙卯 嗣大位又 賜公白  
金文綺而眷注尤篤正統庚申

上念禁衛重兵及諸司將士更番來京以備征調者雖有大  
臣總之而才智明決如公者不可不在其位乃 命豐城侯

代公還為之副公在南京十八年荷  
列聖知遇以為股肱心膂褒嘉 寵待之意具見所

賜敕前後幾二百道自古大臣得君之深而始終無間亦少  
有如公者公行不違道而持之以誠小大之務必盡其公威

行惠施近悅遠懷是以其人雖有貴賤愚良寬鄙細粗不同  
皆敬愛公如父母 召還之日莫不願留而不可皆曰公去

矣吾何恃自都城至江上泣而送者相屬於路公得人如此  
是豈以偽為哉公之在朝雖總理軍政然謙已下賢務循大

體不苟為異同嘗有 詔舉將校之可任者公必慎擇以進  
使必當其用有司黜民丁隸府軍皆公與兵部再閱不中者

例有罰公曰彼出自田里非素習然方壯顧教練何如教練  
有法則怯可勇勇可使為精兵由是鮮有罰者丙寅

命率師巡邊 賜之鈔幣及寶刀一公曰軍事貴嚴寶刀之  
賜意其在此吾豈敢不力然公威令素著及臨邊申飭守備



內外整肅訖還不戮一人

上閱武近郊公等各嚴兵以待戎陣整肅號令明審坐作進退皆中度

上喜各賜金織蟒龍紵絲二有副公受 賜惕然不自寧益思所以脩其職

朝廷或有政刑疑未決 命文武大臣廷辯之公在其中侃侃正言犁然當於人心士大夫益重之以爲非獨將帥才也閒居手不釋卷古聖賢之言行皆服行不忘祿賜之外不妄取一錢嘗刻漢疏廣及唐盧坦之言以貽世訓諸子曰吾襲父爵四十年幽遠之情固多未達所行之事寧免過差然競競惕勵悔往脩來不敢欺公貪墨以負

朝廷付託之重爾等宜益勉諸公取費氏崇信伯獻之女

夫人無子女一嫁武安侯鄭宏側室子五人珍璉珣瑞瑾珍田氏出也女四人長未行次適興武衛指揮同知張鑑府軍衛指揮僉事胡全珍兄弟卜以是年十二月某日葬公於某之原太師英國公知公爲最深爲述其行珍奉來謁予求爲銘予亦荷公之知而慕公之德且悲公之不可復見也奚可辭嘗觀晉之卻縠以詩書禮樂將中軍晉是以大漢諸葛武侯不使有餘財以負昭烈君子謂爲大丈夫公庶乎是矣公自號湛然道人人亦以是稱之於乎茲其所以爲湛然者歟公庸行之美見諸事者尚多不可以徧書姑序次其大者而系以銘銘曰

天佑

聖明賢俊挺生偉茲襄城邦家之禎維公額額厥有世澤旣



世其功亦世其德珪璋之望熊虎之姿有武有文施無不宜  
出則征行入則居守

天子曰來汝予左右公之在朝維一其忠不矯而異不翕而  
同正直之言廉厚之行衆人所思君子所敬天不憝遺隕皇  
其堂壽不百年人奚不傷高墳哉我公安于此刻銘垂休焜  
耀無已

知府葉公墓誌銘

公葉氏諱砥字周道更字履道蓋楚名臣沈諸梁之後以所  
食乘爲氏居南陽至晉有諱儉者爲括蒼太守因家焉其後  
又徙上虞高祖萬會祖明祖其父良玉皆不仕公天性明粹  
喜讀書早喪母童氏又喪其父皆能以禮居喪不惑於流俗  
嘗受學於鄞陳文昭樵李鮑仲孚二先生皆元故老博學有

文章嘉公篤志爲之傾竭底裏由是與十行大進洪武庚戌  
以明經取進士第得定襄縣丞兵荒之餘民未安業公勤於  
撫字流亡來歸乙卯坐累謫涼州公處之泰然曰吾無愧於  
心足矣日杜門爲學有詩寄子曰不須詢遠道窮達信乾坤  
更號坦齋又號尋樂作賦以見志士大夫謫居邊者皆宗之  
守將西寧侯宋晟亦延致家塾爲子師己卯求賢陝西按察  
副使羅某臨江知府劉鵬上虞知縣李惟中皆薦其學宜任  
史事遂起爲翰林編修又有言其堪任風憲者復陞廣西按  
察僉事用法平恕獄無冤滯吏畏而民愛之嘗兼緝三道印  
出按郡至遷江會洞獠數出沒爲寇害吏民洵洵欲遁去且  
以無備諷公請少避公曰我去汝縣官必遁民何恃以安卽  
命料丁壯立保伍寇來併力禦之彼豈不畏死耶頃之報益



急公下令如故不爲動寇亦卒不敢至來樂初以史事被逮籍其家惟薄田弊廬故書數篋而已事白還之仍命與史事書成改考功郎中公進退人才品第高下小大各適其用尚書蹇公謂其年邁一以藻鑑任之他不溷以事會修永樂大典徵天下名儒命公爲副總裁稽經考史無不愜當仁宗皇帝在東宮緝熙聖學擇儒臣侍講論公預焉其言於上者必堯舜周孔之道非是不以陳爲郎中九年俾食四品祿職如故公重聽誤以爲授他職

上親灑翰授之至今寶焉久之公引年求去不許乃自言於吏部曰砥老矣過蒙優禮猶叨祿在朝人將謂何

上若不棄願得一小郡牧小民庶效報萬一吏部以聞卽拜饒州知府公先教化後刑罰興利去害摧茲植柔民無愚良

皆愛之如子水旱爲災憂若已出每齋沐致禱必獲有年人以爲德之應郡故有磁窰銅冶而丁調不減他郡公爲力言於布政司得減四之一時方營造工之受役者當給糧贍其家布政司下饒州於遠輸內留八萬石給之公謂非戶部意不可衆譁然利其便請必從公終不許未幾部符下他已入倉者皆反之民使遠輸勞費彌甚衆乃服公明決皆拜謝布政司亦自愧其所行凡再述職京師皆以恤民隱革弊政去汙吏爲急然謂饒之風俗厚其民易化有訟者必以理論不付曹民知公之愛已也多悔悟而罷有婦代前夫子訟蓋欲資其後夫公揣知其故窮詰之以母子不忍爲詞公曰爾不忍於子何忍悖其父而從人邪婦慙裂狀逸去由是無理者不敢至其庭訟簡刑清民歸德焉戶口增至萬三千士之取



科第者加數倍於昔公年益高而燭理益明遇事亦若無足  
爲者嘗賦詩以自適辛丑八月有疾作書戒子孫以睦宗族  
和戚姻重義輕利毋貽譏於後世尤以不能報

國恩爲慊是月廿一日卒於郡解之正寢距其生元至正壬  
午三月初六日享年八十郡人無賢愚貴賤皆哭之哀諸孫  
奉柩還以壬寅正月初六日禮葬上虞廿一都駱家嶺薛氏  
墓山西麓配周氏賢而克家先公廿一年卒今合葬焉子男  
二信可用可有士行皆早世孫男五綸早卒綬應州學正緯  
以子貴封南京刑部主事綺先卒續湖廣東湖馬驛驛丞曾  
孫男六壘充縣學生未仕冕取進士今爲松江知府嗣生蕃  
佐佑曾孫女六皆嫁爲士人妻公平生爲文甚多號坦齋集  
今所存者南行藁退朝藁芝山藁經進藁及經筵講義弟曾

道拙於治生無厚業婦家欲離婚公卽以已產益之終身不  
復言其自處儉薄雖位望之重比封君而蕭然不異布衣時  
人有過失婉詞誨諭使知改而止未嘗疾言遽色然內貞外  
和雖詞氣寬平而所守有不可奪者博極羣書手不釋卷其  
所著述必根於義埋之正而有益於世教蓋於漢魏唐宋諸  
大家無不學故其所立蔚然有盛名當世而可示法於後來  
於乎公有德行文學之美而又兼政事之長誠一代之鉅人  
君子矣墓三十五年而墓未有銘至是冕來京師以綬所爲  
狀求予銘予從祖思忠與公同取洪武初科進士第及公來  
翰林予亦忝從公後蓋於公舊矣則今銘墓奚可辭銘曰  
葉氏之先實楚名臣源遠流長子孫振振暨公承之乃舉進  
士奮迹文章揚譽政事經幄詞林 寵命自天堯舜是陳維



公則賢公既老矣

皇用殊錫加乃常祿仍乃顯秩公有誠言願守一州惠此羣黎庶幾寡尤湖山之間厥壤千里人之愛公不異其子公逝不留民心則悲豈弟之化百世之思峩峩新阡公安于此昭德有銘垂耀無已

教諭聶大年墓誌銘

大年聶氏世爲撫州臨川人曾祖某祖伯善皆不仕父同文洪武中取進士爲翰林侍讀尋改中書舍人壬午六月太宗皇帝至京師時盛暑以迎鑾暍死大年於父卒後五月乃生母胡孺人撫育之天姿只明爽穎悟絕人比長喜讀書日記數千言通詩書二經於此

子史無不讀尤篤意古文及晉唐人詩書法歐陽趙松雪比口臻其妙由是名動縉紳間用薦

起爲仁和訓導藩憲大臣與一時達官顯人過杭者皆禮重

之而大年之文章傳於遠邇迎其母來旌旦夕率婦子備物

以養必誠必孝母之心歡焉逾六年母卒奉柩歸葬哀感行

路鄉邑耆老列言母賢行足以勵風俗而子又克孝如此

詔旌表其門閭服闋分教常州府學滿九載陞仁和教諭仁

和之人得大年復大喜敬愛逾往時大年乃言於有司修學

校嚴學規訓勵彌切諸生日加親慕教用有成登第者彌衆

賓興之歲諸藩省請典文衡者聘幣交走其門而多以後至

不能得爲憾大年所至多得士人服其公凡所經歷處遇佳

山水及古人遺跡必見諸賦詠聯爲大卷藏於家景泰六年

秋

朝廷有史事徵詣翰林將用之而大年以疾告退就醫藥凡



與善者數往來問候冀速愈而勢日危殆大年知不能起呼子章取紙筆書曰吾上負

朝廷之恩下負平生之志爾兄弟尚勉學爲士人擲筆而逝蓋景泰丙子二月二日也觀其所書如此則其抱負可知矣予初識大年於金谿王先生所又得其所作小瀛洲水竹居賦觀其詞翰而重其爲人真可謂奇偉非常之士也常思振起之使效用當時以其學行必有以名世傳後及被

召來京師心切爲喜思與之久處不厭而大年病予亦以老疾絕人事往還心雖相親而跡則踈矣大年病甚遣門生李昂持簡來言身後事蓋欲予銘其墓予聞而哀之不三日而大年卒矣於乎予豈忍銘吾友哉大年生於洪武壬午十二月初三日及其卒也享年五十又五配陳氏前平樂太守用

鼠之女有賢行四子女四孫男四大年有詩文四十卷多可傳者斯足以不朽矣章奉樞歸臨川將以某年某月某日葬某山之原予乃爲述其行而系其銘銘曰  
學足以爲人師才足以適事宜出旣逢時亦將有爲何天不勅遺而未究厥施嗚呼噫戲其誰不悲



Large stylized watermark or logo, possibly reading 'E' or 'B', centered across the gutter of the book.

Faint, illegible text visible through the paper, likely bleed-through from the reverse side of the page.



